

DE METRII

PHALEREI DE ORA-

TIONE, SIVE DE

MODO DICENDI,

Natale de Comitibus Veneto interprete.

De membris. Cap. I.




ICVTI Poësis in
metra diuiditur, ut
in semimetra, &
hexametra, & alia
complura; sic dicen-
di rationem ea, quæ
membra uocantur,
diuidunt, atque di-

spescunt; & quasi ipsa numerum constituentia,
multisq; terminis orationem terminantia, ip-
sum sermonem sistunt ac concludunt: quoniam
& longa & infinita propè esset oratio, dicen-
temq; oratorem suffocaret. Illud est horū mem-
brorum officium, ut sententiæ suis numeris ex-
pleant: ac aliquando totam sententiæ; ut; sicut
inquit Hecateus in historiarum principio: sic

A Hecateus

minus artificiale



Hecataeus Milesius testatur: nam tota sententia toto membro conclusa est & comprehensa, amboq; simul cessarunt. Veruntamen membrum totum aliquando non totam absoluit sententiam, at totum totius sententiae pars efficitur: Nam sicuti partem cum manus totum sit quoddam, omnes illius simul partes totum quoddam sunt, ut digiti, & palma ~~hanc~~ enim harum partium ~~peculiarē~~ habet circumscriptionem, & partes principales; sic etiam sententia cum unum quoddam magnum totum sit, quasdam sui partes complectitur, quae & ipsa sint totum quoddam & integrum: uelut hoc se habet in principio Ascensus Xenophon-
tis; duo filij nascuntur ex Dario & Parysatide. usque ad id; Cyrus autem iunior, tota perfecta est sententia, in qua duo sunt membra, quorum utrumque quaedam est pars ipsius, at sententia quedam completur in utrisque, cum certum finem contineat. ut; ex Dario & Parysatide duo filij nascuntur. habet enim sententia ipsa per se quādam perfectionem, quod Dario & Parysatidi nati sunt filij. simili autem ratione et alterum membrum, quod ~~iam~~ senior Artaxerxes, ac iunior Cyrus. ita, ut antea dicebā, ut membrum quādam omnino contineat sententiam, siue totā siue totā illius partem. oportet igitur membra non longa admodum facere, quoniam compositio fieret inmensa, aut certe non facile eius finem consequeremur.

remur. Idcirco neq; poesis hexametrum excedit, nisi in quibusdam perpauca: esset ridiculum sanè immensam esse mensuram, atque nos oblitos esse alicubi desinentis mensuræ, aut quando cæperit. Neque enim membrorum longitudo orationibus conuenit ob inmoderationem; neque nimia rursus breuitas, quoniam arida nimirum fieret compositio. uelut hæc est; uita breuis, ars uerò longa: tempus uelox, cognitio incerta: est enim concisa compositio, & discerpta, atque contemnenda, quando omnia habet exigua. Accidit tamen aliquando ut longioris membri detur occasio pro rerū ipsarum magnitudine; ut inquit Plato. Hoc certè quidem uniuersum, hoc Deus ipse accedens regit ac circumuoluit. Ipsa membri magnitudine & oratio ipsa ferè extollitur. Idcirco etiam hexametrum heroicum ob longitudinem appellatur, quia heroibus conueniat. Neq; enim Homeri Iliadem breuibus Archilochi carminibus quispiam satis aptè scripserit. ut; anxia scytale. & quis tuas suspendit mētes? neq; etiam Anacreontis carminibus: fer aquam, fer uinū puer. Est enim minus artificiosus rhythmus ebrij senis, non autem pugnantis herois. Est autem longioris membri tempus & occasio alia quādo ob res ipsas, atque breuis rursus aliquando; ut si paruum quidpiam dicamus, ut inquit Xenophon; quòd Græci ad fluuium Teleboam

peruenerunt: hic autē erat non quidem magnus, at pulcher. Nam & paruitate, & numeri cōcissione & fluuij tenuitas & suauitas declaratur. quod si hoc ipsum ita dicendo produxisset; hic autem magnitudine compluribus erat inferior, at pulchritudine ceteros omnes superabat, ab ipso decorē diuertisset: fuissetq; frigida oratio. Sed de frigido postea differemus. Est in grauitate etiam usus paruorum membrorum: nam illud quod in angusto declaratur, multò est grauius ac uehemētius. quamobrem breuiloqui sunt Lacones ob grauitatem: nam & imperium angustum est & breue, & omnis dominus seruo est monosyllabus. Supplicatio uerò est longior, atq; lamentatio, tum preces apud Homerum, & ira ^{clauda} cundia ^{sunt}, & squalores ob tarditatem, hoc est ob ^{ignatidq} longam orationem; atque tardius ob debilitatem loquūtur senes. Exemplum breuis compositionis est; Lacædemonij Philippo, Dionysius in Corintho. nam multò uidetur grauius quod ita breue dictum sit, quam si longiori oratione diceretur. quòd Dionysius magnus olim tyrannus, sicut tu, nunc uiuit tamen priuatē: habitatq; Corinthum. non enim si multis proferatur uideretur simile increpationi, sed potius narrationi, ac docenti potius alicui esse accommodatum quam deterrenti: sic enim si extēdatur, omnis orationis iracundia soluitur atque uehemētia. Ac ueluti feræ

quæ

quæ pugnent cum conuersæ fuerint, sic est orationis conuersio quasi ad grauitatem conuersæ. huiusmodi breuitas in compositione, cæsum appellatur, quod ita definiūt; Cæsū est minus membro, ut prædictum: & Dionysius in Corintho. & nosce te ipsum. & , Deum sequere. quæ sunt sapientū. est breuitas etiam apophthegmati accommodata, & sententiosa, atque sapientius quidam est in breuem orationem amplam sententiā redegisse. quia ueluti in seminibus totius uis arboris includitur. quòd si quis longioribus uerbis sententiam protenderet, disciplina fit quadam oratori pro sententia.

De ambitibus. Cap. II.



V M ita membra cæsāq; constituantur, ubi in unum conuenerunt, uocantur ambitus. Est siquidē ambitus ex membris uel cæsis constitutio, quæ facile accommodetur ad propositam sententiā, eamq; absoluat. ut; cum præcipue plurimum conferre uniuersæ ciuitati putem legem abrogari, tum etiam Chabriæ filij gratia his assensus sum, me quantum ingenij mei facultas ferret, his esse auxiliaturum. Nam cum ipse ambitus cōstet ex tribus membris, habet sub finem

finem flexuram quandam et conuolutionem. Ita uerò Aristoteles ambitum definiuit; ambitus est oratio quæ principium habet & finem: quam perpulchrè sanè & aptè definiuit: nam statim is qui dicit ambitum, & unde incæperit ostendit, & finem illi cōstituit, et ad aliquem finem properat: ueluti cursores qui fuerant emissi: nam simul ijs cum principio cursus finis appetitur. hinc etiam ambitus nominatur cum uijs sit similis, quæ circulares sunt & conuersæ. Verum ut summam dicam, nihil est aliud ambitus quàm quædam compositio, cuius si conuersio soluat^{ur} ac componatur, res quidem eadem permanet, ueruntamen non etiam ambitus: uelut si prædictū ambitum Demosthenis aliquis subuertat, ac ita dicat; defendam hos uiri Athenienses, amicus enim mihi est filius Chabriæ, quo multò magis etiam ciuitas, quā me defendere iustum est. Non enim amplius ambitus inuenitur: ipsius autem origo ea quæ & orationis. Atque alia quidem Cōuersa nominatur, ut quæ habet ambitus, quem admodum orationes Isocraticæ, Gorgiæq; , & Alcida^mātis: nā totæ continuis constant ambitibus nihil minus, atq; Homeri pœsis carminibus hexametris: alia uerò Separata uocatur oratio, quæ diuiditur in membra non admodum inter se cohærentia, uelut Hecatei compositio, plurimaq; Herodoti. atque antiqua omnino commentaria

mentaria huiusce rei sunt exempla. Sic enim scribit Hecataeus Milesius; hæc ita scribo, ut mihi uera esse uidentur: nam complures Græcorum sunt eaq; ridiculæ orationes, ut mihi quidem uidentur, membra enim quasi cumulatis inuicem atq; proiectis sunt similia, non autem coniunctionem habentibus ac firmamentum, aut quæ uicissim sibi auxiliantur, uelut est in ambitibus. Sunt enim membra ambituum lapidibus ijs similia, qui tecta rotunda fulciunt atque continent: membra uerò solutæ orationis dissectis lapidibus ac non simul iacentibus comparari possunt: quamobrem habet perpolitum quiddam antiqua oratio atque expeditum, sicuti etiã antiquæ statuæ, quarum & contractio & tenuitas ars esse uidetur. At quæ hanc sequitur oratio, operibus Phidiæ comparari potest, cum quiddam habeat & magnificum & studio plenum. Ego uerò neque totam prorsus orationem ex ambitibus compositã laudo, uelut Gorgiæ, neque quæ prorsus sit soluta, uelut antiquorum: sed eam magis quæ ex duobus fuerit composita. Ita enim accidet, ut et demonstratiua sit & simplex, & simul ex ambobus suauior: ac neque abiecta uulgarisq; prorsus, neque sophistica. Eorum qui frequentes ambitus dicunt, neq; capita facile consistunt uelut ebriorum, auditorisq; nausea commouetur ob ineptias. tunc uerò qui præuiderint ambituum

fines

prope
eandem
chiam

concinna

fines pronūntiant ac proferūt. Qui minores sunt
 ex ambitibus ex duobus membris constituuntur;
 qui uerò maximi ex quatuor, nam qui quatuor
 excesserit, nō amplius intra ambituum concinni-
 tatem fuerit collocandus. Fiunt & trium mem-
 brorum quidam, & unius tantum, quos ambitus
 simplices appellant: nā ubi membrū etiam fle-
 xurā habuerit iuxta suū finem, & lōgitudinē,
 tunc ambitus fit unius membri, uelut est huius-
 modi; Herodoti Halicarnassei historiae hāc est
 demonstratio. & rursus, aperta dicendi ratio
 multum lumen audientium mentibus affert: ab
 utrisque enim simplex ambitus constituitur, &
 à longitudine, & à flexura sub finē: at nunquam
 ab alterutro. In compositis autem ambitibus ul-
 timo membro longiori esse conuenit, & quasi
 quod cetera membra contineat atque compre-
 hendat: sic enim erit magnificus grauisq; ambi-
 tus, atque in graue & longum membrum desi-
 net: sin autē concisus erit, mutiloq; similis. huius
 exemplum est huiusmodi; non enim pulchrè di-
 cere pulchrum est, sed si is qui dixerit, dicta per-
 fecerit. Sunt autem tria ambituum genera, histo-
 ricus, dialogicus, oratorius. Historicus quidem
 neque circumactus, neque ualde remissus, sed in-
 ter utraque, ita ut ob circumactionem, ne ora-
 torius uideatur & incredibilis ^{uerusitatem} grauitatemq;
 habens ^{modum ex} & historiae simplicitatem: uelut est
 huiusmodi;

huiusmodi; Darij nascuntur ac Parysatidis, usq;
autem eò, iunior ante Cyrus. uidetur enim ipsius remis-
sio firmissima quedam ac certissima termina-
tio. Oratorij uerò ambitus conuersum circula-
re; est genus, quodq; ore rotundo indigeat ac
manu quæ cum rhythmo circumagatur. ut, cum
maximè ciuitati conferre existimarem legem
abrogari. tum postea Chabriæ filii gratia his
assensus sum me quantū ingenij mei facultas fer-
ret, hic esse auxiliaturū. Nā huiusmodi ambitus
statim ex initio ferè quiddam habet conuersum
ac patet faciens quòd in simplicem finem non ces-
sauerit. Dialogicus ambitus est etiam remissior
ac simplicior quàm oratorius, uixq; declarat se
esse ambitum: uelut est huiusmodi; heri accessi in
inquam Pircum, usque ad id, quæ nunc primum agentes
sunt enim membra inter se cōiecta alterum post
alterum: uelut in solutis orationibus, cum uix fi-
nientes in fine cognoscimus, quòd illud, quod di-
cebatur, erat ambitus. est autē opus ut inter di-
uisam conuersamq; orationem ambitum dialo-
gicum collocemus, atq; ^{uicium} ambobus ^{similem} ~~mutum~~ con-
stituamus. sunt igitur tot ambituū genera. Fiūt
ambitus ex oppositis etiam membris, oppositis
inquam ^{rebus} rebus: ut nauigans per terram, ambu-
lans in mari: uel ambobus orationi scilicet ex
rebus, quemadmodum se habet hic ipse ambitus.
Sunt huiusmodi opposita membra secundum no-
mina

mina tantum ut, sicuti qui Helenam cum Hera-
 cule comparauit inquit: quòd huic laboriosam
 uitam periculorumq; plenam fecit, huius autem
 spectabilem ac dignam certamine naturam con-
 stituit. nam articulo articulus opponitur, con-
 iunctioniq; coniunctio, similia similibus, tum eo-
 dē modo alia. nā fecit, hoc constituit, laboriosum ^{laboriosi}
spectabile; periculorū ^{plena} plena, ad dignam certa ^{ad specta-}
mine: atque unū ^{unius} ad unum omnino, simile ad simi ^{similis}
le, redditio est. sunt quēdā membra quę cum op-
 posita non sint, quandam prę se ferunt opposi-
 tionem, quia scripta sunt ex figura secundum op-
 positionem, ueluti illud quod per iocum fit apud
 Epicharmum poetam, quòd tunc apud illos ego ^{erat cer-}
eram, apud illos ego. ipsum idē dictū est, nihilq; ^{eram}
 contrarium. modus autem orationis permistus
 oppositionem quandam confingere uidetur. sed
 hic fortasse ridiculus quispiam opposuit cū ora-
 tores carperet per iocum.

De assimilibus membris Cap. III.

SVNT autem membra etiam assimilia, quę
 quidem simillima sunt à principio. ut;

ἄωυτοι
 παγαυ-
 τοι.

Muneribus capti fuerant, sermoneq; iuncti.
 uel ut in fine, sicuti principium laudatiuæ; se-
 pius eos admiratus sum qui conciones conuo-
 cant, et eos qui certaminē se exercentium con-
 stituerunt.

stituerunt . est autem genus quoddam assimilis compar , ubi membra pares syllabas habebunt, uelut apud Thucydidem . ut ; neque^{v. p. p. quæ. nat.} ^{dixerant} ys quos in- terrogauerat, opus ipsum aspernantibus , neque quibus maximæ curæ erat, cognoscere renitentibus. hoc enim est compar.

De similiter desinentibus ac differentia ambitus & enthymematis. Cap. IIII.

SIMILITER desinentia sunt quæ similiter finiunt , siue in eadem nomina: ut in hoc exemplo se habet; tu & uiuenti illi dicebas male, & nunc mortuum accusas male. uel ubi in eadem syllabam cessauerit , uelut ea quæ in laudatiua dicebātur. Ast huiusmodi membrorum usus est fallax , neque enim conueniunt grauiadecenti , quia soluit grauitatem uerborum subtilitas atq; curiositas. Manifestè autem nobis declarat hoc Theopompus, nam cum Philippi amicos carperet, inquit ; cum natura essent homicidæ, moribus erant hominum catamiti : qui cum amici uocarentur, re ipsa erant amicæ: nam similitudo in membris & oppositio grauitatem soluit ob malam artem sibiq; peritiosam, cum iracundia artem minimè poscat . oportet autem in his accusationibus mēbra naturalia esse quodammodo, ac ea quæ dicuntur, simplicia : neque

enim utilia sunt hæc in gravitate, uelut ostendi:
 neque etiam in affectibus & moribus, siquidem
 affectus simplex esse debet & minime fictus: si-
 militer & mos. ille igitur qui in libro Aristote-
 telis de iustitia de ciuitate Atheniensium con-
 queritur si ita dixerit; qualem talē ciuitatē ce-
 perunt hostium, qualem suam ipsorum ciuitatē
 perdiderunt: sic cum affectu & querimonia lo-
 cutus esset. quod si fecerit assimile, qualem, ciui-
 tatem hostium talem ceperunt, qualem propriā
 perdiderunt, nullum mehercle affectum aut mi-
 sericordiam commouebit, sed potius uocatum
 clausi gelotem. nam iuxta prouerbium coram do-
 lentibus iocari, ^{uacat} ac talia inter affectus interserere
 re mali est artificis, ac sibi ipsi perniciosi. sunt
 tamen aliquādo utilia uelut, asserit Aristoteles.
 accessi ego ex Athenis ad Stagira ob regem
 magnum, tum ex Stagiris Athenas ob ^{temperantem} magnam
 tempestatem: quod si alterum magnum abstuleris,
 omnis prorsus gratia auferetur. Nam dicta
 huiusmodi optime orationi magnificentie con-
 ueniunt, qualia sunt complura Gorgiæ, Isocræ-
 tisq; opposita. Atque tot de assimilibus à nobis
 dicta sint. Differt autem hoc pacto ambitus ab
 enthymemate, quoniam ambitus circumducta est
 quædam compositio, unde etiam nomen obtinuit;
 at enthymema uim habet suam in sententia, ibiq;
 constituitur, atque ambitus circulus est en-
 thymematis,

κlausίγες
 λωες,
 risum ac
 fletū eo-
 dem tem-
 pore.

enthymematis, uelut aliarum rerum: enthymema
autem ^{est} ex ^{qua} sententia ^{quædam} siue ex pugna dicta
in figura consecutionis. Signum est autem quod
et si compositionem solueris enthymematis, am-
bitum etiam ^{uacat} de medio sustuleris, at idem perma-
net enthymema: uelut si quis hoc enthymema,
quod est apud Demosthenem soluerit, nam ue-
lut si quispiam illorum captiuus fuisset, tu hæc
non scripsisses: sic nunc cum tu captiuus sis, alius
non scribet. Siquis ita soluerit, ne illegitima scri-
bentibus credas: si enim uetitum fuisset, hic ne-
quaquam nunc hæc scripsisset: neque alius præ-
terea scribet, cū hic nunc fuerit captus. hic enim
circulus ambitus dissoluitur, at permanet tamen
in eodem enthymema. Atque ut uniuerse dicam,
enthymema ratiocinatio est quædam oratoria,
at ambitus nihil ratiocinatur, sed solum compo-
nitur. Ambitus etiam in quauis orationis parte
collocamus, uelut in proæmijs, enthymemata non
in quauis parte: ac enthymema quasi iam dictis
additur, epilogiq; rationem subit; cum ambitus
per se dicatur. Hoc uelut imperfecta est ratio-
cinatio; ille neque totum quidpiam est, neque im-
perfectum ratiocinatur. Accidit tamen enthy-
memati ut sit ambitus etiam, quare et in ambia-
tus modum componitur: non tamen est ambi-
tus, uelut accidit domum extruenti esse albo, si
sit albus: at domus extructor non est albus. Di-

Etum est autem de differentia enthymematis & ambitus. Membrum ita Aristoteles definiuit; mēbrum altera est ambitus pars: postea subiungit; fit autem & simplex ambitus. Hoc pacto cum alteram partem determinasset, uoluit scilicet ambitum esse duorū membrorum: sed Arche damus Aristotelis definitionem excipiens, idque quod definitioni inferebatur, ita & manifestius definiuit, & perfectius; membrum uel simplex est ambitus, uel pars ambitus compositi. Quid enim sit ambitus simplex iam diximus. Cum igitur ipsum partem esse ambitus compositi dixerit, uidetur non duobus tantum membris ambitū conclusisse, sed uel tribus, uel etiam pluribus. Nos uerò mensuram ambitus iam exposuimus, quare ad genera dicendi accedamus.

De generibus dicendi Cap. V.

Sunt autem quatuor simplicia dicendi genera, tenue, magnificum, uenustum, graue. Reliqua uerò ex his generibus sunt mista: nō tamen quod uis cum quouis misceri comperiemus, sed uenustum cum magnifico ac tenui: graue etiam cum utrisque similiter. Solum autem magnificum cum tenui non miscetur, sed uelut oppositum est & aduersum, at maxime contrario; quare non nulli sola hæc duo dicēdi genera arbitrati sunt; reliqua

reliqua uerò esse inter hæc duo. Qui etiam ^{uenustum} ~~uenustum~~ tenui potius attribuerunt, uelut graue magnifico. Quasi ^{politum} ~~uenustum~~ tenuitatem quandã habeat & elegantiam, at graue & fastum & magnitudinem: cuiusmodi ridicula sanè est oratio. Videmus autem præter prædicta genera contraria, omnia omnibus esse permixta: uelut Homeri sunt carmina, Platonis, Xenophontisq; sermones, ac Herodoti, aliorumq; complurium, qui multum ^{græ} habent immixtam magnificentiam, multamq; gratiam & grauitatem: ita ut generum dicendi multitudo tanta sit, quanta dicta est à nobis. Atque oratio singulis idonea fiet huiusmodi.

De Magnifico genere. Cap. VI.

SVMETVR autem nobis à magnifico genere principium, quod omnes nunc disertum appellant, est autem in tribus magnificentia, in sententia, in dictione, in apta coniunctione. Magnifica compositio pæonica est, ut asserit Aristoteles; atque duo sunt pæonis genera: hoc quidem incipiens, cuius syllaba longa incipit, tum tres breues subsequuntur: ut hoc, cæperat at. Illud autem pendulum, quod cum altero conuertitur, cuius tres priores breues sunt, at longa subsequitur, ut, arabicis. Est autem opus in membris
magnificæ

magnificæ orationis ut incipiens nouus pæon
 membra incipiat, ac pendulum sequatur, cuius
 rei exemplum est hoc Thucydidis; cæperat at id
 malum ex Aethiopia. ^{quia} Id igitur Aristoteles ita
 coordinauit quod membri ingressum principiū-
 q; statim oportet esse magnificum, ac finem:
 quod ^{hoc} erit si à longa cæperimus in longamq;
 finiamus: est enim longa natura magnifica, atq;
 si prius feratur statim percutit; cū uerò finierit,
 relinquit in magno quodam auditorem. Nam
 omnes priorum præsertim ac extremorum me-
 minisse solemus, quibus etiam mouemur, ab ijs
 uerò quæ sunt inter hæc minus profectò, tanquā
 illa obscura sint, & minus appareant. Manife-
 stum est autem hoc in scriptis Thucydidis, nam
 profus ferè magnificentiam facit in omnibus
 illius scriptis numeri longitudo: atque propius
 accedit periculo ne huic uiro, cum magnificentia
 sit ubique, ipsa compositio maximum præcipue
 seruet. Est autem considerandum ut cum nō pos-
 sumus pæonas diligentissime in membris ponere
 ambos hinc atque illinc, pæonicam omnino fa-
 ciamus compositionem: ut à longis incipientes
 in longas desinamus. Hoc etiam uidetur signifi-
 casse Aristoteles, aliterq; artificiose differuisse
 de gemino pæone scilicet diligetiae causa. Quā-
 obrem Theophrastus exemplum causæ ^{uacat} Magni-
 ficentiae exponit membrum huiusmodi; his phi-
 losophantibus

uenerata Iosopphantibus in his quæ nullius sunt præcij. Non enim constat ex pæonibus prorsus, quamuis sit pæonicum: nam pæonem assumit in orationes, quoniam tutior est cum sit ^{mista} ^{rationem} ^{orationem} magnificentiâq; assumat ex longa, orationem uerò ex breuibus. Ex alijs heroica grauis est oratio, ac non rationalis, sed sonora: neque in numero, sed sine numero, ut huiusmodi; illuc ire nostram in regionem. Nam longarum frequentia accidit; maior quàm poscat metrum rationale: est autē uenerata iambus tenuis, similisq; multorū sermoni, quamobrem multi iambica metra uocant minimè perspicientes. Pæon autem medius est amborum, & mediocris, & qualis permistus: sic autem sumenda est in magnificis pæonica compositio: efficiunt autem magnitudinem membra etiam longa, ut, Thucydides Atheniensis bellum Peloponnesiacum Atheniensiumq; conscripsit. Atque Herodoti Halicarnasce historię hæc declaratio. Nam cito in breue membrum conticescere orationis ^{ueneratam} grauitatem attenuat, quamuis magnificā sit proposita sententia, atque ipsa nomina. Magnificum est autem in compositione dicere ex circumactione, uelut Thucydides; Achelous fluuius manans ex Pindo monte per Dolopiam Agrianorumq; & Amphilocorum regionem superius Stratum ciuitatem alluens in mare apud Aeniades prorumpit: ciuitatemq; ipsis cin-

gens alluuiionibus difficilem prorsus præbet per
 hyemem ob aquarū copiam castrametationem.
 Nam huiusmodi omnis magnificentia facta est
 ex circumactione, atque ex eo quod & ipse &
 qui audit uix acquicuerit. Siquis uerò ita solu-
 uens dixerit; Achelous enim fluuius fluit ex Pin-
 do mōte irrumpitq; in mare apud Aeniades; at
 priusq̃ exeat ex Aeniadibus stagnum facit pla-
 nitiam, ita ut ad hostium hybernas incursiones
 ipsis propugnaculum sit atq; agger ipsa aqua.
 Siquis ita cum permutauerit orationem dixe-
 rit, multas præbebit orationi intermissiones,
 atque omnis magnitudo prorsus auferetur. Nam
 sicuti longas uias frequentes diuersiones mino-
 res efficiunt, solitudines uerò uel in breuib; ^{tenue}
 longitudinis speciem quandam præse fuerunt;
 sic hoc ipsum accidit in membris: efficit magni-
 tudinem in multis compositionis aspera concina-
 nitas, ut illud;
 Indutum ferro nanq; Hec̃tora maximus Ajax.
 Nam difficilis auditu aliter fortasse fuerit li-
 terarum complexio: excessus uerò is est qui he-
 rois magnitudinē declarat. Leuitas autem atq;
 auditu iucundum non habent locum prorsus in
 magnificentia, nisi in paucis certè. Thucydides
 etiam leue ac compositionis aequalitatem ubique
 ferè deuitauit, atque semper potius propulsasse
 uidetur, ueluti qui uias asperas ingrediuntur.

Vbi enim dicit quòd annus cum salubris dicere-
tur, ad alias difficultates accessit, ablata est ip-
sius magnificentia. Nam sicuti asperum nomen
magnitudinem conficit, sic & compositio. No-
mina sunt aspera, ^{hòc} tunc uociferans, pro eo quod
est clamans: atque disruptum, pro lato. Quibus
omnibus Thucydides utitur, similiaq; nomina
compositioni accipit, ac nominibus compositio-
nem.

De compositio orationis. Cap. VII.

SVNT autem nomina hoc pacto collocanda;
ac primum quidem ponenda sunt, quæ non satis
manifesta: secunda atq; ultima quæ manifestio-
ra: sic enim & primum audiemus tanquam ma-
nifestum, et quod sequitur tanquam manifestius.
Sin autem laborare uidebimur, atq; quasi à po-
tentiore ad debilius ac infirmius concidisse. Est
autem exemplum dictum illud apud Platonem,
quòd ubi quis musicæ modulari concesserit, ac
per aures infundere. Multò sanè apertius est se-
cundum, quàm primum. Rursusq; procedens in-
quit; ubi infundens non remittit, sed mulcet,
quod post hoc, liquefacit ac fundit. Nam fun-
dere magis declarat quàm liquefacere, poema-
ticiq; propinquius. Quod si ipsum prædidisset
debilius liquefacit uisum esset illatum, sic Home-

rus in Cyclope semper excessum extollit, non
 enim similis erat uiro comedenti, sed monti ne^{no esse}
 moroso, ac mōti sublimi præterea qui supra a^{nidetur}
 lios eminens uideretur. Semper enim quæ prius ^{humana}
 sunt magna minora uidentur, cum illis maiora ^{forme, ut}
 postea inferantur, cum illis maiora ^{remoris}
 postea inferantur. Operæ precium est autem
 coniunctiones etiam non ualde diligenter retri-
 bui, ut huic cōiunctioni accidit, hunc autem. Est
 enim diligentia hæc pertenuis: sed sine ordine,
 quodammodo uti conuenit, ut scribit alicubi An-
 tipho. Insula enim erat contigua, manifesta
 quidem longinquis & alta & aspera. Et, quæ
 sanè utilia sunt & culta perexigua ipsis sunt.
 Quæ uerò sterilia per multa, cum ipsa sit par-
 ua. Tribus enim coniunctionibus, quæ uerò, op-
 ponitur. Sæpius enim ^{tamen} coniunctiones ex ordine
 posita uel parua magna efficiunt, ut apud Ho-
 merum; nam nomina Bæoticarum ciuitatum cū
 simplicia essent ac parua ob coniunctiones tot
 ex ordine posita pondus habent ac magnitudi-
 nem. Velut in hoc,
 Schærumq; Solumq; petrosam sic Eteonum.
 complentibus coniunctionibus uti conuenit, non
 tanquam uanis additamentis, aut stolonibus, siue
 ramentis, sicuti nonnulli ad nullum commodum
 utuntur, & quippe, ^{iam te, et unam.} & utrum: sed si aliqua ex
 parte orationis magnitudini conferant, sicut
 apud Platonem, ipse iam magnus in cælo Iuppi quippe
 ter

ter. Et apud Homerum;

Ast ubi uenerunt iam lati ad fluminis undam.
nam posita in principio coniunctio, atque di-
strahens, ^{et a prioribus} sequentia a prioribus effecit magnum
quidpiam. ^{efficit} Siquidem multa principia grauitate
efficiunt. Quod si ita dixisset; uerum ubi ad un-
dam uenerunt fluminis, tenui orationis genere es-
set usus, atque in una re uideretur occupatus. Su-
mitur hæc coniunctio sæpius in ^{affectibus} affectis, ut in Ca-
lypso ad Vlysses.

O sate Laerte multorum inuentor Vlysses,
Sic tibi fas petiisse domū, patriasq; penates.
nam si eximas coniunctionem, omnem affectum
remouisti: sed ut dicam summatim, uelut inquit
Praxiphanes, huiusmodi coniunctiones pro ^{La-}
^{cedemoniis} cedemonibus ^{et} luctu assumebantur, sicut heu
heu, & hei. Etq; quale quid est, ut idem inquit,
& certē ^{et} conquerentibus uertit, cum præ se fe-
rat nominis cuiusdam miseri spetiem. Illi uerò
qui nullius rei gratia implentes coniunctionem
similes sunt histrionibus ut is asserit, qui hoc &
hoc ad nullum uerbum dicunt. Sicuti si quis ita
dicat; Calydon quidem ^{hæc} uel terra Pelopeia, hei;
terræ, quæ pro fretis planitiem habet fertilem:
heu heu. Nam sicuti heu heu hic attrahit, &
hei; sic qui temerè inijcit ubiq;

De

De figura orationis Cap. VIII.

CONIVNCTIONES igitur magnificam efficiunt compositionem sicuti dictum est, at orationis figurae & ipsae sunt nonnulla compositionis species. Nam eadem ipsa bis dicere, duplicare, referre, uel uersa uice immutare coordinato atq; composito, simile esse uidetur. Sunt autem singula prout suo generi conferunt coordinanda. Primum quidem mutuam commutationem ita statues, ^{ut magnifico, de quo haec explicanda proponuntur. Primum} Homerus.

Hi duo nam scopuli, summo hic consurgit Olympo.

Nam multò ita magnificentius casus mutationes q̃ si ita dixisset, ex duobus scopulis hic consurgit ad cœlū. Nā rem pro consuetudine dixisset: atq; omne ex consuetudine parum habet magnitudinis, minimeq; admirabile est. Nereum autem & ipsum esse paruum, & res illius paruas; at tres naues & paucos homines & magnū fecit, et res eorum magnas, et multa, pro paucis, cum figura duplici mistaq; ex relatione & dissolutione usus sit. Inquit enim Nereus, tres naues, duxit Nereus, Aglaie filiusq; Nereus, qui uir pulcherrimus. Nam dictionis relatio in idem nomen Nerei, atq; dissolutio, multitudinem rerum significat, cum duae sint aut tres. Nam se
mel

mel Nereo nominato in scripto nihil magis recordaremur quam Achillis aut Vlyſſis, quæ singulis cum uerbis ſoluuntur ſerè. Eſt autem cauſa uis ipſius figuræ. Sin autem ita dixiſſet; Nereus Aglaia filius tres naues duxit, uideretur Nereum conticuſſe. Nam uelut in coniuuijs per pauca ſi rectè diſpoſita ſint, permulta uideri ſolèt, ſic etiam in orationibus accidit. Sæpius enim ſolutioni contraria textura magis eſt magnitudinis cauſa, ut, cum Græci & Cares militarent & Lycij & Pamphylij, & Phryges. Nam ipſius eiſdem coniunctionis poſitio infinitam propè multitudinem præ ſe fert. At huiusmodi; curua albetia, coniunctionis, et exceptione, multò maius exiſt quam ſi dixiſſet, curua & albētia. Nam magnum eſt in figuris non diutius in iſſdem caſibus commorari. Vt Thucydides. Et primus tabulata conſcendens animo defecit atq; ipſo in remigium collabente. Nam multò ita maius, quam ſi in eodem caſu ita dixiſſet; quod incidit in remigium atq; proiecit clypeū. Ac repetitio magnitudinem efficit, uelut Herodotus. Dracones erant inquit in Caucaſo magnitudine ac multitudine, nam ^{cum ſeruat} orationi magnitudinem ^{o turnant & orationi} quādam præbuit. Nam figuris uti non frequētibus inelegans eſt, ac orationis inequalitatem quādam demonſtrat. Maiores idcirco multas figuras in orationibus ponentes, quia
magis

magis artificiosè composuerunt; magis nobis familiares sunt ijs qui sine figuris sunt locuti.

De collisione. Cap. IX.

De collisione uerò uocalium alij aliud senserunt: siquidem Isocrates, quiq; cum secuti sunt, magnopere ne colliderent studuerunt. alij quidā ut accidebat eas permittebant collidere, idq; ubique. Opus est autem neq; sonoram ipsam compositionem efficere, ipsasq; minus artificiosè ut accidit perpeti collidere: nam res huiusmodi distractioni orationis atq; disiectioni comparari posset, neq; tamen seruanda est omnino literarū continuatio, quia sic leuior fortasse fuerit compositio, insulsiorq; & minus artificiosè fatua, cum multam priuetur concinnitate quæ nascetur ex collisione. Primum autem spectandum est quòd & ipsa consuetudo has ipsas literas ipsius nominibus impegit cum ipsam cōcinnitatem præcipuè sectaretur, ut, in æacus dictione, ac nix. multa sunt etiam nomina, quæ ex solis constant uocalibus. ut, pulsatio, & cucius: neq; tamē magis hæc sunt reliquis absurda, uerū fortasse magis etiam concinna. Alia sunt poetica, ut sol diuisum atq; studiosè collidens nomen, magis sonorum est quàm sit sol: & montium, quā montium. Habet. n. solutio atq; collisio quasi innatā cantilenam

αἰακὸς καὶ
χιών.
ἄξις καὶ
εὐίος.
ἡέλιος,
ἡλίος.
έρέων,
έρων.
καλάεσις,
κάλ'εσις.

cantilenam quandam. Cōplura etiam forent in-
 concinna si per synalephen prolata sint, quæ di-
 uisa cōcinna fiunt magis, atq; collidentia: ut, om-
 nia quidem noua & pulchra sunt: nam si cōmi-
 sceas dicasq; pulchra sunt, & minus concinnum
 erit quod dicetur, & simplicias. Deorum etiam
 laudes in ægypto per septem uocales concele-
 brant, qui ipsas in sacris deinde per sonum pro-
 ferunt. Nam pro tibi ⁶atq; ¹⁶citharæ harum lite-
 rarum sonus ob concinnitatem auditur: quibus
 cōcluditur quod is, qui collisionem uocaliū adi-
 mit, nihil prorsus aliud aufert ab oratione in-
 ulse quam iucunditatem ac concinnitatem. Sed
 de his ut ulterius orationem protendamus, mi-
 nus postulare uidetur occasio. At in magnifico
 dicendi genere maxime conueniens assumeretur
 comparatio, per longas, uelut saxum desuper
 impulit. Nam uersus longitudinem quandam ex
 collisione obtinuit: permistaq; est & uis & lapi-
 dis latio. Similiter & illud Thucydidis, non esse
 mediterraneam. Concurrunt diphthongis etiam
 diphthōgi, hanc Corcyræi habitarūt, cōditorq;
 fuit. Nam cum ea quæ longa sunt magnitudinē
 efficiunt collidentia, tum etiam ipsæ diphthon-
 gi. Differentium uerò collisiones & magnitudi-
 nem & uarietatem simul efficiunt, ex non mul-
 to sono, ut aurora. At in dictione qualem, nō so-
 lum differunt literæ, uerumetiam soni; cum his

λάαν άνω
 ώθεσκει.

ήως.
 δίνυ.

sit densus, ille tenuis, ita ut multa sint dissimilia;
 in odis etiam cantilenæ fiunt ab una eademq; lō
 ga litera, ut odis interpositis odis. Quamobrem
 similium collisio per exigua quædam pars erit
 odae, ac cantilena. Sed tot dicta sint de collisione,
 atq; quo pacto magnifica fieret compositio. Est
 autem magnificentia etiam in rebus, si magnum
 sit ac conueniens, & pedestre et nauale præliū,
 uel de terra oratio, uel de cœlo. Qui uerò rem
 audit magnam, dicentem etiam statim magnifi-
 cè locuturum esse expectat; sed decipitur, quan-
 do non ea quæ dicuntur sunt spectanda, sed quo
 pacto dicantur: licet tamen ut qui de magnis lo-
 quens tenui oratione utatur minus pro rei di-
 gnitate faciat; quare graues quosdam, sed non
 grauitè esse inquit, uelut & Theopompum,
 qui grauius non grauitè dicit. Nicias autem pi-
 ctor hanc etiam artis pictoris statim esse dice-
 bat non exiguam partem, ut qui magnū ad pin-
 gendū sumpsisset, artem in minutas partes nō di-
 sperderet; uelut in auiculas aut flores, sed in e-
 quorum nauiumq; certamina. Hinc multas figu-
 ras quispiam dicendo demonstrare possit: et cur-
 rentium, & rectè ^{in gressum} stantium, & aliorum caden-
 tium; tum multos percutientes, multosq; cadētes
 ex ^{equitibus} equis. nam & ipsum propositum esse partem
 quandam artis pingendi existimauit, uelut poe-
 tarum fabulas. Non est igitur mirum si in ora-
 tionibus

tionibus etiam summa magnificentia ex rebus
oriatur. Et dictionem in hoc dicendi genere co-
piosam uariatamq; esse conuenit, uel potius inu-
sitatam; sic. n. magnitudinem consequetur. At-
que propria est & usitata, semper est manife-
sta, quamobrem facile contemnitur.

De translatione, comparatione, & col-
latione. Cap. X.

Translationibus in primis uti conuenit, nam
hæ & magnitudinis plurimum, & uoluptatis
conferunt orationibus, & ijs non crebris ubi di-
thyrambum scribimus pro oratione, neq; è lon-
ginquo sane deductis, sed indidem, atq; ex simi-
li. Velut similes inter se esse uidentur dux mili-
tum, nauis gubernator, & auriga, quia omnes
istî dominantur: tunc igitur dicet, qui ducem gu-
bernatorem ciuitatis dixerit, ac rursus guber-
natorem, nauî imperantem. Non omnis autē re-
tribuitur, ueluti quæ prædictæ sunt: quādo radi-
cem montis, licet poetæ dicere Idæ pedē, at pe-
dem hominis radicem montis non etiā. Vbi uerò
periculosa translatio esse uidebitur, in compara-
tionem assumatur, sic. n. securior erit ^{comparatio} similitudo
sed translatio exuperat, ut si quis Pythoni ora-
tori fluenti contra uos addens dixerit, uelut con-
tra uos fluenti, sic. n. facta est comparatio, atq;

securior est oratio: illo uerò modo est translatio, & periculo propius. Idcirco Plato etiã periculosum quidpiam facere uidetur, qui potius translationibus utitur quàm comparationibus. Utitur uerò comparationibus magis Xenophō, at optima uidetur Aristoteli translatio, uel uocata ab effectu, ubi anima carentia efficere inducuntur tanq̃ habentia animam, uelut in sagitta;

Per populū promptè saltat irata sagitta.

Et gibbosa surgentia, hæc. n. omnia & surgētia & irata animatorū) ~~ex~~ actionibus cōueniūt. Nō nulla tamen apertius dicuntur in translationibus, ac magis propriè, quam in ipsis proprijs. ut hoc; inhorruit prælium. Nullus enim cum mutauerit per propria, neq; uerius dicere poterit, neque apertius. Nam tumultum qui fit ex ^{hactis} ~~hactis~~ sensim atq; continuè resonantem, inhorrens prælium nominauit, atq; simul assumpsit quodãmodo prædictam translationem ab effectu: cū prælium tanq̃ animal horrere dixerit. Scire autem est operæ precium quod nonnullæ translationes magis tenuitatem præbent quam ullam magnitudinem, quamuis ad magnitudinem sumpta sit translatio, ut hoc; buccinat hic circum magnum cælum. Nam non oportebat totum cælum resonans resonanti tibiæ comparare. Nisi si quis Homerū defendere uoluerit ac dicat, quòd ita magnum cælum resonabat, ac si totum cælum buccinans

cinans resonaret. Alteram igitur translationem cognoscemus, quæ magis tenuitatis sit causa quàm magnitudinis. Nā opus est à maioribus ad parua transferre, non autem ex aduerso. uelut inquit Xenophon, postea proficiscenti ex phalange fluctuauit. Nam digressionem ex ordine mari fluctuāti comparauit ac ita nominauit, quòd si quis mutet ac mare dicat, ex phalange discedere, fortasse non rectè ac concinnè transferet. Omnino uerò quouis pacto erit pertenuc. Nonnulli sunt rursus, qui translationes illatis appositis tutiores faciant, ubi periculosa illis esse uideantur, uelut Theognis, qui apposuit de arcu percutiente, arcu tibia sine chordis; nam tibia periculosum est de arcu, ac sine chordis fit securius. Verum cum omnium aliarum rerum tum præcipuè translationum consuetudo est magistra. Non parum deest quin omnia clam transferat, cum tutò transferre liceat, cum & candidā uocem dicat, & acutum hominem, & asperum morem, & oratorem paruum, et quæcunq; alia ita concinnè transferuntur, ita ut proprijs simillima esse uideantur. At ego hanc regulam translationis in orationibus seruandam esse iudico, ut naturam artemq; ipsam cōsuetudinis seruemus. ita. n. rectè nonnulla transtulit consuetudo, ut nequaquã proprijs indigeamus: sed perstiterit translatio, quæ proprij locum occupauerit. Velut ui-

tis oculus, & siquid aliud simile. Vertebra spina, & clavis in corpore, et pectines nequaquam dicuntur per translationem, sed per similitudinem. Quia hæc quidē pars pectini est similis; hæc clavi, illa uerticillo. Cum facimus comparationē translationem, ueluti dictū est, cōsiderāda est breuitas, ac nihil plus quā cōuenit apponitur, quoniā pro comparatione collatio erit poetica, uelut illud Xenophontis; nam uelut generosus canis sine cunctatione contra aprum currit, & uelut equus solutus per planitiem exultans atq; calcitrans. Hæc. n. non amplius comparationibus sunt similia, sed poeticiis collationibus, quibus collationibus neq; facile in pedestribus orationibus uti cōuenit, neq; sine summa diligentia.

De compositis nominibus. Cap. XI.

ἐπεὶ δὲ

τῆς.

δορυπύ.

φοι.

Verum sumenda sunt nomina etiam composita ad translationes, ut summatim dicam, at non ea quæ dithyrambicè composita sunt, ut diuinitus peractos errores: neq; astrum flammatum exercitum: sed ea quæ uideantur ex ueritate esse composita. Generatim uerò hanc nominū regulam constituimus, quæ legistatores dicat, et architectos, aliāq; complura huiusmodi tutò cōponat. Habebit enim nomen compositum & uarietatem quandam simul, & magnitudinem ex compositis

compositione, atq; breuitatem nonnullam. Nam pro tota oratione ponetur nomen: uelut si frumēti lationem, frumentationem dicas: nam ita multo maius. Sed si nomen in orationem solutum fuerit, alio modo maius fortasse dicetur, ut frumentati importatio, pro frumentatione, nomen pro oratione posui: uelut inquit Xenophon, quod nō licebat asinum agrestem capere, nisi equites distantes uenarētur nomine excipientes. Vt, quod alij à tergo insectabantur, alij uerò à fronte impellentes occurrerunt: ita ut asinum mediū exciperent. Cauendum est autem ne duplicia nomina duplicia ponamus, quod hoc solutæ orationis speciem præse feret. Facta uerò nomina definiuntur ad imitationem prolata uel rei, uel affectus. uelut i d; stride & id; lambentes. Efficiunt^{unt} maxime magnificentiam quia ueluti sonis sunt similia, et externorum præsertim: non. n. existentia nomina dicit, sed tunc facta, atq; sapiens quiddam esse uidetur nominis, ac sententiæ generatio: uelut consuetudinis: potest. n. cum nominum inuentoribus comparari, qui primi nomina imposuerunt. Primum autem coniectura uti conuenit in facto nomine, ut splendorem consuetudinēq; seruemus, ac deinde ad posita nomina similitudinem aucupemur: nequis aut Phrygiorum, aut Scytharum more loqui uideatur inter Græca nomina. facienda sunt uerò non nominata, uelut tympana, aliaq;

ΕΛΕΦΑΝΤΙ
ΣΤΙΥ.

ΑΥΤΙΤΙΥ.

aliaq; effœminatorum instrumenta, impudicitia
inquiens. Tum Aristoteles elephanti magi stru-
secundum posita uomina ipsum nominauit. Ve-
lut nauitam quidam dixit eum qui remex nauē
subigit. Et Aristoteles uernaculum eum, qui so-
lus esset ipse. At Xenophon permutauit inquit
dux militum acclamationem eleleu, quam dux
semper exclamabat, cum opus sanē periculo ple-
nū nomini comparasset, ut antea dicebam; atque
ipsis poetis. Tum duplex nomen speciem facti
nominis præ se fert: siquidem omne composi-
tum ex quibusdam componentibus constat. Est
autem magnum quidpiā etiam allegoria, atq; in
minis præcipue. Velut & Dionysius, quod cicæ-
dæ ipsis, ut ad terrā decidant imprecantur: qua-
re si ita simpliciter dixisset, quod Locridem in-
cidit regionem, & magis iracundus uisus fuisset,
& multò magis tenuis, nunc uerò quasi ope-
rimento quodam usus est orationis. ^{allegoria} Quicquid
uerò suspectum est maiorem incutit metū, nam
alius aliud suspicatur. Ille autem qui manifestū
uidet timendum, ut contemnunt par est; ueluti
accincti cōsueuerunt. Idcirco mysteria etiam in
allegorijs dicuntur ad timorem, ac reuerentiam,
uelut in ipso & nocte: est enim similis allegoria
ipsi & nocti. Obseruandum est autem, & in hac
continuo ne nobis ænigma fiat oratio, uelut in
medicorum cucurbitula, uirum uidi ignitum
arcum

areum uiro adherentē. Complura etiam Laco-
nes in allegorijs dicebant perterrentes, ut, Dio-
nysius ad Philippum in Corintho: atq; alia hu-
iusmodi nō pauca. Est breuitas etiam aliquo pa-
cto magnifica, atq; reticentia maximē, nam nō-
nulla sunt, quæ maiora uideantur non dicta, atq;
magis suspecta: aliquando etiam tenuis est, nam
in duplicibus sermonibus magnitudo inuenitur,
uelut Xenophon. currū inquit ferebātur hi qui
dem per ipsos amicos, illi uerò per hostes: mul-
tò. n. ita maius quam si ita dixisset; & per ami-
cos, & per hostes ipsos. Sæpius autem & obli-
quum maius est recto: uelut; hæc erat sententia,
ut in Græcorum acies ^{uenientium} uenirent, ac ^{percutientium} ferirent, pro
eo; decreuerant irruere, ac percutere. Confert et
nominum similitudo, & apparens uocis incōcin-
nitas: nam dissonum sæpius est tumidum, sicuti;
Ajax autem magnus semper contra Hectorem,
nam multò magis Aiace^m magnum demonstra-
uit duorum complexio ^{in qua clypeus} clypei septem pellibus
bubulis cōtexti: At uocatam exclamationē defi-
nire facile posset quispiam dictionem exornan-
tem. Est autem in orationibus magnificentissi-
mum: ex dictionibus aliæ seruiunt, aliæ exor-
nant: seruit quidem huiusmodi:

Qualem pastores Hyacinthū mōtib^{us} altis
Conculcant pedibus.

Exornat uerò illatum, humi sed purpureus stos.

hoc.n.manifestè ornamentū,et pulchritudo prædictis illatum est, quarum rerum plenam sunt Homeri poemata.ut,

Ex fumo expesuit non amplius illa uidetur,
Cū Troiā peteret, quæ quodā liquit Vlysses.

Est aliquo pacto hoc etiam maius;

Iniecit mentibus istud

Numen ne uino capti,certamine & orto

Vulnera feratis uicissim.postea acclamatio;

Nāq; hoies ipsū trahit ad certamina ferrū.

Atq; ut uniuerse loquar exclamatio rebus diuitum comparari potest ostentationibus æqualibus inquam & triglyphis, purpurisq; plateis. Est.n. ipsa ueluti signum quoddam diuitiarum in orationibus. Videtur autem & enthymema species quedam exclamationis,cū tamen non sit: non.n. ornatus gratia assumitur, sed demonstrationis: præter id quod exclamationis more extremo loco dicitur.Similiter uerò sententia etiam in prædictis exclamationi similis esse uidetur, cum tamen neq; ipsa sit exclamatio:nām sæpius præponitur,aliquando exclamationis locum consequitur,at hoc;

Nec fugiturus erat demens crudelia fata.

Neq; ipsum est exclamatio,non.n.extremo loco dicitur,neq; exornat,ueq; omnino simile est exclamationi, sed potius acclamationi, uel occulto conuicio. ^{quod} ^{u. præbuit} ^{u. magnificum sit.} Hoc autem in orationibus est poeticū.

quod

quòd uerò magnificum sit, uel cæco manifestum esse inquit. Præterea alij nuda quidē prorsus utuntur poematum imitatione, uel potius nō imitationē, sed transpositione, uelut Herodotus: quòd & si quidpiam Thucydides à poeta sumpserit cum propriè eo utatur, illud etiam sumptum efficit proprium, ut poeta inquit de Creta;

Creta iacet medio tellus circumflua ponto,
Pulchra, ferax,

Nam hic ad magnitudinem circumflua usus est, at Thucydides cōcordes esse Siculos optimū esse existimat, cum eiusdem sint loci incolæ, ac circumflui: atq; hæc omnia cum dixerit terram pro insula scilicet, & circumflua eodem pacto, nihilo minus alia dicere uidetur: quamobrem non tanq̃ ad magnitudinē, ipsis usus est, sed ad concordia.

De frigido quod magnifico opponitur. Cap. XII.

Sicuti nonnulla praua urbanis quidē quibusdam sunt propinqua, ut confidentiæ audacia, pudor uerecundia: eodem modo quedam dicendi generibus in oratione peccata comperiuntur finitima: atq; de ijs prius dicamus, quæ uiciniora sunt magnificentie. Nomen igitur primum illi inest frigidum: atque frigidum ita definitur à Theophrasto; frigidum illud est quod familiarē

ἀπὸ τοῦ ἀ-
κωτος,
τραπεζοῦ
ται.
ἀπὸ ὅμε-
ρος,

ἐρμὸς
πλάμος.

dicendi usum excedit, ut sine fundo calix in mēsa non ponitur ~~in mensa~~: pro eo quod est, sine fundo calix in mensa non ponitur. Nam cum res sit parua non percipit tantam dictionis magnitudinem: fit autem frigidum in tribus, uelut etiā magnificum: uel in sentētia, in Cyclope Vlyssis nauem lapidibus percutiente. Dixit enim quidam quod dum lapis ferretur, oues super ipso pascebantur. Nam ex exuperante sentētia, & quæ fieri non possit frigidum nascitur: in dictione quadrupliciter fit, ut asserit Aristoteles: ut Alcidas humidum sudorem: uel in composito ubi nominis geminatio in dithyrambi morem composita est, ut dixit quidam per deserta uagans, ac aliud quiddam ita tumidum: fit frigidum etiam in translatione, tremētes ac pallidas literas: quadrupliciter igitur ita fieri posset secundum dictionem. Frigida compositio, quæ non est concinna, sed quæ dissona sit, atque ubique longas habeat, ut huiusmodi; accedens in nostram regionem uniuersa nostra recta existente. Nihil enim habet orationis, aut tutum ob longarum continuationem: frigidum est etiam metra continua ponere, ac non abscondita ob continuationem, ueluti quidam. Nam intempestiuū poema frigidū: sicut. n. hypermetr^{um} atq; uniuersim qualecūq; sit iactātia, tale est & frigidum: nam & iactabundus ea sibi ad esse gloriatur quæ

que non sunt, tanquàm adessent, similiter paruis
rebus tumorem iniiciens et ipse in paruis iacta-
bundo comparari posset. Atque quale est orna-
mentum excedens in prouerbio, tale est in ora-
tione sublatum in rebus paruis: quamuis dicant
nonnulli res paruas oratione magna dici oportere
cuius rei argumentum arbitra tum exuperantis
roboris. Ego quidē Polycrati oratori cō-
cesserim, qui Agamemnonem laudat in conten-
tionibus ^{et praeleporibus} omnibusq; laudatiuis modis. Iocabatur
enim, non autem seriò dicebat: atq; ipse scripti
tumor iocus est profecto. Iocari quidem liceat
ut dixi, at decorum in omnibus rebus est seruandum,
hoc est utiliter dicendum est & decenter.
Parua enim tenui orationis genere, at magna
sublimi dicenda sunt: ueluti Xenophon de fluuio
Teleboa qui erat paruus ac pulcher inquit; hic
autem fluuius non erat quidem magnus, pulcher
autem. Nam compositionis breuitate, atque cum
in, autem, desierit, paruum fuisse fluuium nobis
ferè demonstrauit. Ast alius loquens de simili
Teleboæ fluuio inquit, quòd ex montibus Lau-
ricis defluens prorumpit in mare; quasi præci-
pitatum Nilum declararet aut Istrum in mare
irrupentem: omnia igitur huiusmodi frigida
uocanda sunt. Fiunt parua & alio modo gran-
dia, at non per indecorum, sed necessario aliquan-
do, ut cum ducem aliquem, qui parua rectè ges-
serit

serit extollere uolumus, quasi magna rectè gest-
 serit. Vt quòd in Lacedæmone Ephorus cū lo-
 ris cecidit, qui nimis accuratè ac nō patrio mo-
 re pila lusisset : hunc enim inde carpinus cum
 paruum sit quod insectamur, quia illi qui pra-
 uos exiguos mores concedunt, maioribus malis
 uiam aperire uidentur; & quia in minoribus er-
 roribus animaduertere præstat, prius quàm ad
 maiores accedatur. Hinc enim fecimus prouer-
 bium; principium totius dimidium. Quippe
 quod cum paruo hoc malo comparari potest, uel
 quod nullum malum est paruum sic liceat &
 præclarum facinus exiguum magnum efficere;
 nō ita tamen ut indecorum quidpiam faciamus.
 Verum ut magnum utiliter sepius extenuatur,
 sic paruum etiam extolli poterit. Maxime om-
 nium frigidus est excessus, qui triplex reperi-
 tur. Nam uel per similitudinem profertur,

Ventis curritq; simillimus idem.

Vel per præstantiam; candidiores niue : uel se-
 cundum id quod fieri nequit, nam omnis exces-
 sus fieri nequit ut illud; caput inter nubila con-
 dit. Neque enim est quicquam niue candidius,
 neque uentus par currendo, ipse profecto dictus
 excessus qui fieri non potest præcipue nomina-
 tur : quamobrem omnis excessus cum non possit
 frigidus esse uidetur. Idcirco etiam comici ipso
 præcipue utuntur, quoniam risum ex ijs quæ
 fieri

fieri nequeunt, aucupantur. Quemadmodum quidam Persarum excedens insatiabilitate inquit, quod totas regiones excernerent^{bant}, bouesq; ferrent^{erant} in maxillis. Eiusdem est generis serenitate caluior; & colocynta sanior: auro uerò magis aurea Sapphicum dicitur in excessu, quod et ipsum nequit fieri: in ipso præterea quod nequit fieri habet gratiam quandam, non autem frigus, quamobrem diuinam Sappho merito quispiam admiraretur, quod iucundissime re uatatur ea quæ natura periculo sit propior, atque difficulter rectè agatur. Atque de frigido & de excessu tot à me dicta sint: nunc uero ad uenustū dicendi genus transeamus.

Polito
De uenusto. Cap. XIII.

Venusta oratio est, gratiosum quiddam, iucundusq; sermo. Atque ex gratijs aliæ maiores sunt grauiiores, ut quæ poetarum; aliæ simpliciiores, magisq; comicæ, cauillationibusq; per similes. Vt Aristotelis Sophronisq; gratiæ ac Lyse: Nam hoc; cuius uel digitos facile quispiam *dentes* quam *dentes* posset dinumerare, de muliere uetula. et; quot plagas dignus eras ut caperes, tot dragmas cepisti. Nam urbane dicta huiusmodi nihil à cauillationibus differunt, neq; longinqua sane sunt à concitando risu. at hoc; unà cum hac *digitos* nymphæ

τῶν δὲ
χαρίτων.
quo tuus
melius uer
teremus
non occur
rebat.

^{Celludunt una Nymphae} ^{Latona; letata est}
^{sed} ^{propter sunt omnes pulchre}
^{uenisse} ^{emphaticum}
 nymphæ iocantur; & letata est mente Latona;
 & Rhæa clarissima est; pulchræ autem omnes. et
 ipsæ ^{uenisse} graues sunt quæ dicuntur gratiæ, & ma-
 gnæ: utitur his ad grauitatem et ad declaratio-
 nem aliquando Homerus, ac ubi iocatur magis
 est timendas. primus enim uidetur timendas gra-
 tias inuenisse, uelut illud in persona Cyclopi in
 suasissima, ut; Vtinem ego ultimum comedā, at
 reliquos priores, munus est Cyclopi: non enim
 in alijs ita grauem illum demonstrauit, ubi duos
 socios comedit: neq; ex scuto, aut ex claua, quem
 admodum ex hoc urbanè dicto. Utitur genere
 huiusmodi Xenophon etiam, cum & ipse ^{uenisse} ^{statem} grauitatem inducat ex gratijs: uelut de armata sal-
 taticula. Nam interrogatus à Eaphlagone an
 mulieres quoque unā militarent, respondit, ipse
 enim uel regem in fugam uerterunt. Duplex est
 autem ^{uenisse} grauitas ex gratia; altera quòd mulieres
 illos non sequebantur, sed Amazones; altera con-
 tra regem cum ita esset debilis ut uel mulieres
 fugeret.

De gratia orationis Cac. XIII.

Tot sunt profectò ac huiusmodi orationis
 gratiæ: sunt uerò aliæ gratiæ in rebus, ut Nym-
 pharum horti, Hymenæi amores tota Sapphus
 poesis. Nam res huiusmodi etsi uel ab Hippo-
 nacte

CUTIV

Vlyssis no-
 men, nullū
 significat.

^{dicantur} naſte dicerentur, uenusta ſunt, atq; res ipſa per ſe eſt hilaris: nullus ſiquidem Hymenæum canit iratus, neq; in oratione Amorem faciet erinyſ, aut gigantem, uel ridere eſſe lugere: quod ſiqua gratia ineſt rebus, uel dictio ipſa rem faciet uenustiore. ut; auara puella.

Ac ueluti philomela canit tū dulce, tepenti.

Cum tellus Zephyro letatur tempore ueris. Hic. n. & philomela ſuauiſ eſt auicula, & uer-
natura iucundum, ac multum oratione eſt exor-
natum: atq; ſuauior eſt philomela, dixiſſe q; au-
ra puella de aue, quæ omnia propria ſūt poetæ.
Sæpius & res ipſæ iniucundæ ſunt natura, ac
mœſtæ, at fiunt hilares à dicente, quod apud Xe-
nophontem in primis reperiri uidetur. Nam cū
perſonam non ridentem, ac mœſtam ſumpſiſſet
Perſam Aglaitadam, ſuaueſ riſum ex eo inue-
nit: quod facilius eſt ignem à te, quā riſum excu-
tere: atq; ipſa eſt ualidiſſima gratia eaq; indicē
te præſertim. Nam res ipſa mœſta erat natura,
gratiæ q; maximè inimica, ut Aglaitadæ: hic
uerò ut ^{uit} demonſtratum eſt quòd & ^{à ſimilibus} ab iſ licet
iocari, & quaſi per calorem refrigerari, caleſce-
ri q; à calidis. Verū ubi declaratū eſt, quæ & in
quibus ſint gratiarum genera, nunc locos iam
declaremus ex quibus gratiæ naſcantur. Erant
autem nobis aliæ in dictione, aliæ in rebus, ac
demonſtreemus nunc locos ſecundū utranq; par-
tem,

tē, priusq; dictionis. Prima igitur recta est gratia ex breuitate, cum illud productum fieret iniucundum, at iucundum ob celeritatem, ut apud Xenophontem; tali existenti nihil adest ex Graecia, ^{quoniam} quando ipsum ego uidi tanq̃ Lydum ambabus auribus contritis: atq; ita habebat: nam extremo loco dictum, ita habebat; gratiam aucupatur ex breuitate: quod si pluribus esset productum, quod hac uere dixerit, manifeste certē deuastatum esset: at nuda fuit expositio pro gratia. Sapius duo etiam per unū gratiae causa dicuntur, ut dixit quidam de dormiente Amazone, quod ^{intensus} extensa iacebat, et pharetra plena, scutum in capite, at cingulum non soluunt. In his. n. & cinguli lex dicta est, & quod cingulum non soluit, duaeq; res una oratione, atq; ipsa breuitate, quod est ^{solitum} uenustum. Secundus locus est ordinis: nam idem primum, uel medium sit iniucundum, at iucundum in fine, ut inquit Xenophon de Cyro; dat illi dono etiam, & equum, & stolam, & torquem, et ne regio amplius deuastetur ob inusitatum donum, ac proprietate: est. n. locus gratiae autor. Nam si prius ita ordinatum fuisset, erat iniucundius, ut; quod illi donō dat etiam ne regio amplius deuastetur, & equum, & stolam, & torquem. Nunc uerō cum sueta dona dixerit, ultimum induxit externum, & inusitatu: ex quibus omnibus gratia elicitur. Gratiae autem, quae nascuntur

nascentur ex figuris sunt manifestæ, ac plurimæ
 apud Sappho: uelut ex repetitione sponsa inquit
 ad Virginitatē, Virginitas Virginitas quo abis
 me deferens? hæc uerò illi respondet per eandem
 figuram; non etiam reuertar ad te, non etiā re-
 uertar. Plenior est. n. gratia oratio quā si semel
 & sine figura dictum fuisset. Ipsa sanè repetitio
 uidetur inuenta fuisse ad ^{uenustatem} grauitatē magis. Hæc
 uerò uel ^{uenustatis} grauissimis supra modū utitur ad gra-
 tiam: aucupatur aliquando, uel ex relatione gra-
 tiam, ut de uespere; uesper omnia fers inquit, ui-
 num affers, affers capram, affers matri filium:
 nam hic inest gratia ex dictione affers cum in
 idem referatur: permultas & alias gratias ali-
 quis proferre posset. Fiunt & ex dictione gra-
 tiæ ex translatione scilicet, ut de cicada; alarū
 suffundit sonorum cantum, quod si rubrum rete
 aduolans prospiceret, ex composito nomine, &
 dithyrambico here diuitias nigras alas habena-
 tium: hoc ipsum ^{uenustum} grauē ante alas facito: quæ co-
 mici sunt præcipue, ac satyrici lusus. Fit etiam
 ex priuato nomine, ut Aristoteles quātō inquit
 magis solus sum, tantō factus sum fabularum
 studiosior, & ex facto, ut idem ibidem; quanto
 enim magis ipse sum, ac solus, tantō factus sum
 fabularum studiosior: nam solus iam propriæ
 est consuetudinis: at ipse ab ipso factum. Multa
 sunt etiam nomina incunda præter compositio-

αὐτίτης
 καὶ μοιό-
 τής.
 αὐτίτης.

χόλας pro
 χόρας,
 quorum
 hoc adu=
 latorem,
 illud cor=
 uum signi=
 ficat.

nem de aliquo: ut hæc auis est adulator, atq; hic
 adulatoris est gratia, cum auem uelut hominem
 cauilletur, & quod nomina non solita aui impo=
 suit: sunt. n. res huiusmodi gratiæ secundum ip=
 sas dictiones: At ex ^{collatione} comparatione inquit Sappho de eccellente homine;

Egregius cātor peregrinis Lesbios, ut cum.
 Hic. n. ^{collatio} comparatio magis gratiam fecit quā ma=
 gnitudinem, quāuis licebat dixisse; egregius ue=
 lut luna inter cætera sydera, uel sol splendidis=
 mus, uel quæcunq; alia magis poetica sunt. Ipse
 etiā Sophron in simili genere: uide inquit quot
 folia ac stipulas pueri uiros cōculcāt uelut dicāt
 amica Troianos Aiace sortis. Hic etiā iucunda
 est ^{collatio} comparatio, quæ Troianos deridet tanq̃ pue=
 ros. Est autem gratia quædā propriè Sapphica
 ex ^{collatione} comparatione ubi dicens quidpiam immuta=
 tur quasi pœnituerit. ut; abluam inquit atrium
^{uindictam} aceremq; fabrum, gener ingreditur par Marti;
 magno homine multo maior, quasi ipsam auge=
 at, quia qui esse nequit excessu usa est, & quia
 nullus est pars Marti. Eiusdem generis id est a=
 pud Telemachum, quod duo canes uincti sunt
 ante aulam, atq; canum nomina dicere possem:
 sed quid sibi uolunt hæc nomina: hic etenim cō=
 mutatus interea iocatus est, cum nomina conti=
 cuerit. Fit etiam gratia ex uersu alieno: ut Ari=
 stophanes cum in Iouem alicubi iocaretur, quod

non percuteret malos fulmine, inquit; sed suum
 templum deicit; ac Sunium Athenarum promō
 torium. Nam non amplius uidetur carpi, ut Iup
 piter, sed Homerus, ac Homericum est carmen;
 atq; inde maior est gratia. Habent allegoriæ
 etiam quædam nescio quid ^{loquax} loquacium, ut in Del
 phis puer uester audiens refert: & Sophronis di
 cta de senibus; hic non ego apud uos eiusdem co
 loris abiuro cū navigationem decernam, mari
 næ. n. mihi iam in littore ligatæ sunt anchoræ.
 Tum quæcūq; sunt de mulieribus allegoriæ, ut,
 inter pisces unguis suauius conchylum uidua
 rum mulierum indagationibus. At minora sunt
 hæc huiusmodi, & turpia. Est & gratia quædā
 præter expectationem, uelut Cyclopis; quod ul
 timū Vtinem comedam: neq; n. munus hospitij
 tale, uel Vlysses, uel qui legit expectauerat. Ari
 stophanes de Socrate, ceram liquefaciens inquit
 postea circinum capiens ex præstra palliū sur
 ripuit. Ex duobus iam locis hic gratia sumptā
 est: neq; n. præter expectationem solum ^{illata} dempta
 est, sed neq; tamen priora consequitur. At hu
 iusmodi consecutio griphus uocatur: uelut Bu
 lias declamans apud Sophronem, nihil. n. dicit se
 consequēs: & apud Menandrum Messeniæ pro
 logus. Sæpius gratiam faciunt membra etiam
 similia, ut Aristoteles, ego Athenis inquit in Sta
 gira iui ob regem magnum: atq; ex Stagiris A
 thenas

OÜTY

thenas, ob tempestatem magnam. Nam cum in utroq; membro in idem nomen defluerit, gratia conflauit: quod si magnum ab alterutro membro dempseris, simul & gratia peribit: accusationes etiam occultæ gratijs interdum equiparantur, uelut apud Xenophōtem Heraclides apud Scytham ad singulos conuiuias accedēs, persuadēsq; ut quod habent Scythæ largiantur, nam & hæc gratiam quandam præ se ferunt, accusationesq; sunt occultæ.

De gratiis quæ rebus insunt.

Cap. XV.

Tot sunt & gratiæ, & earum loci, qui repariuntur in oratione: at gratiæ sumuntur in rebus ex prouerbio, est. n. prouerbiū res natura iucunda, ut Sophron; ^{bibisti} ^{inquit} ^{patrem} ^{suffocās}: ac alibi inquit; ex ungue leonem pinxit: totā ^{nyram} rāsīt, cuminum seminauit: utitur. n. uel duobus, uel tribus simul prouerbijs, atq; ita illi gratiarum est copia. Verum omnia fere prouerbia licet ex illius actibus sumere. Iucunda est etiam fabula, quæ opportune dicatur, siue quæ facta sit, uelut inquit Aristoteles de aquila, quod ex fame moritur cum rostrum illi nimium curuatur: atq; hoc ipsum patitur, quia cū esset homo hospitem aliquando iniuria affecit. Hic igitur facta fabula usus est, & communis: multas autem,

autem, et utiles, et rebus familiares cōfingemus,
 uelut quidam dixit de fele, quod felis una cū lu-
 na moriatur, & saginetur. Confinxit quòd
 hinc est fabula, quia Luna felem peperit: non
 enim solum erit gratia iuxta ipsam fictionem,
 uerum etiam fabula iucundum quiddam efficit,
 cum felem lunæ filium faciat. Fit etiam sæpius
 gratia ex timore mutato, ut cum quæpiam uana
 pertimescit, uelut si lorum serpentem, aut fur-
 num terræ hiatum esse crediderit: quæ & ipsa
 magis sunt comica. Similitudines autem iucun-
 dæ sunt præterea, ut si Medo gallum gallina-
 ceum comparaueris quòd cristam rectam ferat:
 regi uerò quia sit purpurea: siue quod gallo
 clamante exurgamus, uelut exclamante rege ac
 timemus: sunt autem gratiæ ex excessibus præ-
 cipue in comædijs: nam omnis excessus fieri ne-
 quit, uelut inquit Aristophanes de Persarum
 insatiabilitate, quòd boues in furnis pro pani-
 bus coquerent. Alter uerò de Thracibus, quòd
^{Medorum rex}
rex Medorum bouē integrum in maxilla fere-
 bat. huiusdē & hæc sunt rationis, colocyta sa-
 nior, caluior serenitate. Et ea Sapphica; multis
 citharis magis sonora, magisq; aurea auro. om-
 nes igitur huiusmodi gratiæ inuentæ sunt ex
 excessibus, quamuis differant. Differunt autem
 ridiculum & iucundum, primum quidem mate-
 ria; nam gratiarum materia est horti nympha-
 rum,

rum, amores, quibus risus haud est comes: risus autem amor & Thersites. tantum enim differunt quantum Thersites ab amore. Differunt autem & ipsa dictione: nam iucundum cum ornatu ac per pulchra nomina profertur, quæ gratias maxime efficiunt. ut; pingitur terra coronis abundans, & dicta Philomela. At ridiculum simpliciorum communiorumque est nominum: uelut illud se habet; quanto enim magis ipse sum & solitarius, tanto fabularum factus sum studio. postea obumbratur ab orationis ornatu, atque pro ridiculo fit admirabile: nam cum modestia fiunt gratiæ. Ridicula uero eloqui per simile est ac si quis pithecum ornauerit. quam obrem Sappho etiam cum de pulchritudine caneret elegans est & iucunda, tum de aëre, de Alcyone: ac pulchra omnino nomina in illius poemate sunt intexta, quorum aliqua et ipsa fecit. Alio enim pacto agrestem ^{spontum} cauillatur, ac ianitores in nuptiis: simplicissima est in pedestribus nominibus, idque magis quam in poeticis: ita ut hæc ^{hæc magis} ipsa illius poemata magis differant quam canant at neque choro conueniunt, neque lyra; nisi si chorus quispiam differat. Differunt præcipue ex electione, siquidem non idem eligit ac similia is qui iucunda facit, & qui ridicula; sed hic quidem letos facere, ille risum mouere studet; atque ^{ex sequentibus hæc risum ille ueni-} inac hunc risus necessario sequi-
tur,

laudat. et ascribitur

tur, illum uerò laus: & ex loco; hic enim artes sunt risus & gratiarum in Satyro & in comædijs. Tragedia in multis gratias summit, at risus tragediæ prorsus est aduersarius. Nullo enim pacto quispiam iocantem tragediam comminisceretur, quoniam satyrum scriberet pro tragedia. Utentur uerò prudētes ridiculis aliquando, sed opportunè, uelut infestis, & conuiujs aut delicatiorum increpationibus, ueluti Telauges ^{enclaus} in sacculo, & poetica Cratetis, aut si quis in intemperantibus lentis encomium perlegerit: huiusmodi est mos etiam Cynicus quam plurimum. Nam eiusce generis ridicula & utilitatis uicem præbent & sententiæ. Est ^{empha} declaratio etiam quædam morum ex ridiculis, & nunc lusus, nunc lasciuiæ; uelut etiam uinum effusum habens speluncas, pro cæneo. Nā oppositio quæ spectat ad nomina et diligentia frigus quoddā moris ac negligentiam significat. De dicterijs autem est ueluti quædam comparatio, nam oppositio est faceta. Utentur his comparationibus: ut clematis Aegyptia, longam & nigram, & marinam pecudem: morum in mari. Horū huiusdi erit usus, quod si non suppetant dicteria ueluti contumelias effugiemus. Faciunt iucundam orationem pulchra etiam nomina dicta, sic igitur ea Theophrastus definiuit.

De pulchritudine nominis & in quibus.
Capitolo XVI.

EST autem nominis pulchritudo quæ audi-
denti uidentiq; sit iucunda; uel quæ sententiæ
honorifica uideatur. Atque spectui iucunda sunt
talia; rosaceum flore coloris. Quæcunq; enim
suauiter uidetur, hæc ipsa si dicantur sunt pul-
chra. Auditui uerò Callistratus utiq; cogitans;
nam & L. Collisio sonorum quid habet, atque
literarum. Nam enim omnino recipiunt At-
tici ob bonum sonum Demosthenen dicentes &
Socraten: ac talia honorifica sunt sententiæ, ut
maiores magis est honorificum quàm antiqui:
maiores enim, uiri honorificentiores sunt.

δημοσθέν-
ην καὶ σω-
κράτην.
ἀρχαῖοι,
παραῖοι.

Quod nomen lene asperumue sit, quid
bene compactum, quid tumidum.
Cap. XVII.

DICITVR autē apud musicos quoddam no-
men esse lene, aliudq; asperum, aliud bene com-
compactum, aliud tumidum. Est igitur lene nomen,
λέβρωκε nomen ex uocalibus omnibus compositum, aut
certē q̄tam plurimis, ut Ajax. Asperum uerò, ut
uorauit. Atque hoc ipsum asperum nomen secun-
dum ipsius imitationem profertur bene compa-
ctum

Etum quod utriusque particeps, ac æquè literis
 mistum est. Tumidum autem in tribus, latitudi-
 ne, longitudine, fictione. Vt tonitrus pro toni-
 tru. Nam asperitate^m quandam capit ex priori
 syllaba, atque ex secunda. Longitudinem ob lon-
 gam, latitudinem ob Doricam consuetudinem:
 Doreæ enim omnia lata uocant, quare neq; car-
 pebant Dorico more, sed acerba ad Atticum ac-
 cedebant. Lingua enim Attica habet quiddam
 cōuersum & populare, quodq; his facetijs ma-
 ximè conueniat. Sed hæc ex arte alio tempore
 sunt dicenda, ex prædictis nominibus sola lenia
 nunc sunt sumēda, quod ^{solitum} uenustum quid habeant.
 Fit autem uenustum ex compositione etiam, sed
 de hoc modo dicere difficillimum sanè fuerit: nō
 enim ab ullo alio de ^{solita} uenusta compositione scrip-
 tum aliquid habemus. Veruntamen pro uiribus
 nostris enitendum est ut nos aliquid dicamus: in-
 erit aliqua fortasse & uoluptas & gratia si
 compositionem ex metris aptè constituamus uel
 integris uel dimidiatis, at non ita tamen ut me-
 tra conspiciantur in uerborum connexu: sed si
 quis separauerit singula atq; seiunxerit, tunc à
 nobis metra existentia deprendantur. Quod si
 metri speciem habuerint eandem gratiam con-
 flabunt: at clam gratia subrepat ex huiusmodi
 uoluptate, quod genus frequentissimum est apud
 Peripateticos, apud Platonem, apud Xenophō-

ῥωντὰ,
 ῥωντῇ.
 σὺριγξάν
 τῆς εἰς.

tem, & apud Herodotum: atque alicubi fortasse apud Demosthenem. Nam Thucydides hoc genus deuitauit, cuius exempla huiusmodi aliquis capere posset. Vt sicuti in oliua Dicæarchus inquit, Italiæ ætatem iam esse grandæuam. Nam amborum membrorum ^{eadem} eadem sunt terminationes, atque metro simile habent quiddam ob conexum ac serien. Nam metricum occultatur, et non pauca inest uoluptas: Plato enim multis in locis hoc ipso rhythmō producto quodammodo neq; sedem habente neque longitudinem est ^{licet} licet ^{litus} litus. Nam tenue & graue est, at longitudo magnifica. Veruntamen membra quasi lubrico cuiuspiam comparari possent, ac neque metris prorsus, neq; metris omnino carentibus. Velut in musica ratione. Sed de ambobus nunc dicamus, et rursus & cantans atq; cantilena delectatus totam uitam degit. Et rursus, ^{si} quid prius haberet iracundiæ uelut molliuit ferrum: sic enim aperte & ^{polite} uenuste & in cantilenæ modum. Quod si conuertens dixeris, ^{molliuit} uelut ferrum molliuit, uel degit totam uitam, habes gratiam orationis in ipso rhythmō existentem, non equidem in sententia aut in dictionibus. Atq; de musicis instrumentis rursus suauiter apteq; coniunxit, in quibus inquit; lyra tibi relinquitur in ciuitate. Nam si conuertens dixeris, in ciuitate relinquitur apte componenti persimile efficies: hoc ipsum infert etiam,

etiam, in agro pastoribus, fistula esset aliqua:
nam & extensione, & longitudine sonum
quodammodo fistulae suauiter admodum imita-
tur, quod erit manifestum si hoc ipsum trans-
mutatum quis dixerit.

De ineptè imitantibus. Ca. XVIII.

DE uenustate, ea quæ cernitur in compo-
sitione tot dicta sunt, ut in difficilibus: dictum est
autem de uenusto dicendi genere in quibus fiat,
& quo pacto; sicut in magnifico frigidum dicen-
di genus adiacet, sic etiam uenusto quoddam adia-
cet erratum, quod communi nomine ineptè imi-
tans appellatur: fit autem et hoc in tribus ueluti
reliqua omnia: in sententia, ut dicens, centaurus
seipsum equitans: ac de Alexandro uolente cursu
certare in Olympicis ita dixit quidam, Alexan-
der curre matris tuæ nomen. In nominibus ita
fieret; ut ridebat rosa suaui color: nam ridebat
translatio transfertur prorsus ineptè, ac compo-
situm suaui color, quod neq; in poemate quidem
aliquis prudens satis aptè collocauerit, uel qui
dixit; quod pinus ob auras susurrabat: in dictio-
ne ita. Compositio autem anapestica, quæq; ma-
ximè infractis comparari possit, metrisq; inde-
centibus, qualia fiunt præcipue corpora: ob mol-
liorem exuias æstus abscondito: et; quatiens hastam
Peliadem

κακός ἑλω

Peliadem dextro super humero: pro eo quod est;

Peliadē quatiens, humero dextro sup, hastā.

Vbi sanē carmen transformatum uidetur, ueluti illi qui per fabulas ex maribus in fœminas trās mutati dicuntur, atq; de inepta imitatione tot dicta sint.

De Tenui.

Cap. XIX.

DE tenui uerò dicendi genere; essent res nō nullæ fortasse parue huic generi maxime idoneæ, ut apud Lysiam; est mihi domūcula duplex, quæ superioribus paria habet inferiora. Oportet autem singulas dictiones, & proprias esse, et familiares: nam quod familiarius est omnium, illud etiam minus. Illud uerò quod est minus familiare, ac translatum, magnificum est: neq; duplicia rursus nomina sunt ponenda, quoniam & hæc contrarij sunt dicendi generis, ac neq; ficta, neq; quæ aliquam efficiant magnificentiam. Oportet dictionem maxime esse manifestam, manifestum uerò in pluribus; nam in proprijs primū, postea in coniunctis, omne siquidem minime coniunctum, ac solutum, totum est obscurum. Obscurum. n. principium singulorum membrorum ob solutionem, uelut ipsa sunt scripta Heracliti: nam solutio plurimum hæc reddit obscura, atq; soluta dictio magis fortasse est bellica, quæ eadē *uignax* imitatrix

imitatrix etiam uocatur, nam solutio simulationem excitat: dictio uero scribendi, quæ facile legitur, ipsa uero est compacta, atq; quasi ^{tu}inuito ob coniunctiones collocata: idcirco etiam Menandrum assimulant in plurimis solutum, atq; Philemonem legunt.

De imitantibus histrionibus. Cap. XX.

Imitantium histrionum præterea solutio, cuius hoc pateat exemplum; concepi, peperit, nutritio amice: ita. n. solutum uel nolenti necessitatē inferet per solutionem assimulandi: quod si coniunctè dicas, concepi, & peperit, & nutritio, multā iniicis coniunctionibus indolentiam: nam indolēs prorsus ab historicis reiectum est: sunt & aliæ speculationes histrioniae uelut apud Euripidem, iens, arcus arripiens, ac cygno minans aui cacāti in imaginis. Præbet enim multas motiones histrioni ^{ce}cursus ad arcum, aerisq; ^{uenerat}inspectio personæ cum cygno loquentis, omnisq; reliqua transformatio facta ad histrionem: uerū non est nobis nunc de imitatione histrionia proposita oratio,

De repetitione. Cap. XXI.

AMBIGVA etiam fugienda sunt in manifesta scriptura, ac uti conuenit figura ^{re}petitione

^{resumptio}petitione uocata: est autem ^{resumptio}repetitio eiusdē con-
 iunctionis illatio in orationibus, quæ per longū ^{interruptionem}interru-
 ptur; ut quæcunq; fecit Philippus, & quo
 pacto Thraciam euerit, & Chersonesum cepit,
 & Byzantiū obsedit, & Amphipolim nō reddi-
 dit, hæc equidem prætermittam: nam illata con-
 iunctio nobis propositionem ferè in memoriam
 reuocat, atq; retrahit ad principium. At sæpius
 differendum est declarationis gratia: proprium
 est. n. quodammodo quod breuius, & apertius.
 Quemadmodum igitur transcurrentes aliquan-
 do contemuntur, sic etiam dictio ob celeritatē
 non auditur: fugiendæ sunt etiam obliquitates:
 nam & hoc obscurum est, uelut Philisti dictio.
 Exemplum autem breuius oblique orationis,
^{ob hoc obscure}uel per rem obscuram, ut apud Xenophontem,
 ut quod triremes audijs ab Ionia in Sicilia nau-
 gantes. Tamum habentem Lacædemoniorum, ac
 ipsius Cyri. Hoc autē per rectum ita certē dice-
 retur; triremes in Siciliam expectabantur, mul-
 tæ quidem Lacæne, ac multæ ex Persia quæ Cy-
 ro compactæ fuerunt; ^{ob hoc ionum} nauigabant ab Ionia, qui-
 bus præfectus erat Tamus Aegyptius: hoc pæ-
 cto longius dictum est fortasse, at apertius, atq;
 uti conuenit omnino, & ordine nominum & na-
 tura: uelut hoc; Epidamus urbs est à dextris ijs,
 qui in sinum nauigant Ionium. Primum. n. nomi-
 natum est. de quo. secundo quod hoc est, quod ci-
 uitas.

uitas, & alia deinceps. Fieret autem etiam ex conuerso, ut hoc; est urbs Ephyre, uerū huiusmodi ordinem minus probamus, neq; alterum repro-
bamus, quatenus solam naturalē ordinis speciē posuimus. At in narrationibus incipiendū est, uel à recto, Epidamnus est ciuitas, uel ab accu-
satiuo, ut hoc dicitur; Epidamnum ciuitatem. Reliqui uerò casus obscuritatem quandam of-
fundunt, ac ambiguitatem tum ipsi dicenti, tum etiam audientibus. atq; danda est opera ne in longū circumactiones protrahamus, Achelous enim fluens ex Pindo monte apud Stratum desuper, rursus in mare prorumpit: sed ibidem et cōquiescamus, et quietē præbeamus audienti-
bus, hoc pacto; Achelous enim ex Pindo monte defluit, atq; in mare prorūpit. Ita. n. multò, ap-
tius nam uelut uia quæ multa habet signa mul-
tas etiā habent cessationes, nam signa quasi du-
ctoribus sunt similia. Quæ uerò sit sine signis, atq; uniformis, & si parua sit, incerta tamen uidetur. atq; de perspicuitate tot dicta sint, quæ si per pauca ex multis, quæ uti conuenit in te-
nuibus præcipuè orationibus. Fugiendum est præterea in generis huiusmodi compositione, hoc primum, ne longa sint membra, omne enim longum magnificum est, uelut in metris heroi-
cis, hexametrum heroicum est, quod & ob ma-
gnitudinem, quod heroibus conueniat, uocatur.

Comœdia noua cōtracta est in trimetrum; nam trimetris sæpius utimur, atq; cæsis aliquando: ut inquit Plato: Veni heri in Piræum cū Glaucone: frequentes enim sunt cessationes, ac depositiones. Aeschines confedimus inquit in sellis in Lyceo ubi certaminum præfecti certamen cōstituerunt. Habeant autem firmam sedem fines membrorum, ac basim, uelut ea quæ dicta sunt. Nam extensiones cæ, quæ fiunt in fine, magnificæ sunt, uelut ea Thucydidis; Achelous fluuius defluens ex Pindo monte, & quæ sequuntur. Deuitandæ sunt igitur longorum elementorum complexiones in hoc dicendi genere, atque diphthongorum etiam: est enim tumidum quiddam omnis extensio: Sicubi uerò breues sint cum breuib; collidantur: ut; omnia quidem noua pulchra apparent; uel breues cum longis; ut sol: uel alio quouis modo cum breui, omnino uerò contemnendus uidetur huiusmodi orationis modus, atq; humilis, atq; is simul, qui hæc ipsa fecerit. Fugiendæ sunt figuræ etiam significantes, siquidem omne insigne insuetum est, & non humile. Perspicuitatem uerò probabilitatemq; hoc dicendi genus maximè complectetur.

Verum dicendum est

de perspi-

cuitate, & probabilitate.

ἡ λῆξ.

De Perspicuitate. Cap. XXII.

DICENDVM est igitur de perspicuitate primum: sit enim perspicuitas ex diligentia orationis, cum nihil aut concidimus, aut relinquimus. ut, sicut cum uir irrigator, totaq; ea comparatio. Perspicuū enim ex eo fit quod omnia dicantur accidentia, neque quidquam relinquitur, atque equorum cursus in honorem Patrocli, ubi dicit; Spiritus Eumeli dorsum. &;

Semper erāt similes currū inuadētibus illi. Omnia enim huiusmodi perspicua sunt, quoniā nihil relictum est eorum, & quæ accidunt, & acciderunt. Quamobrem sæpius repetitio etiā perspicuitatem magis efficit, quā quod semel dictum sit. Velut hoc; tu uerò in ipsum, uiuum iactabas conuicia, & in mortuum nunc etiam scribis conuicia: nam cum bis conuicia dicātur, apertiore significat contumeliam: id quod Ctesia obijciunt, quod loquacior sit ob repetitiones, multis in locis recte fortasse obijciūt, at multis in locis rursus non intelligunt uiri perspicuitatem. Fonitur enim idem sæpius, quia maiorem efficit emphasim, ut sunt huiusmodi; Stryaglius quidam uir Medus mulierem Sacidem deiiciens ex equo: nam mulieres in Sacis

H 2 pugnant

pugnant uelut Amazones. Mox cum Sacidem formosam conspexisset, ac uigentē eam seruare in animum induxit: deinde factis inducijs cum mulierem amaret, ac non cōscutus esset, inedia mortem sibi consciscere decreuerat, sed prius epistolā mulieri cōquerens scripsit huiusmodi; ego quidem te seruauī, et tu per me seruata es; ego uerò per te perij. Hic obiurgaret fortasse quispiā qui breuiloquus esse uellet, quia bis positum est nulla differentia seruauī, & per me seruata es. Nam hoc ipsum ambo significant: uerū si alterum abstuleris, perspicuitatē etiam simul auferes, affectumq; illum, qui ex perspicuitate nascitur: atq; illatum perij, pro perco, est enim magis perspicuum ob ipsam perfectiōnem. Nam id quod factū est multò grauius est; uel futuro, uel eo quod etiam fit, atq; hic poeta omnino (nam merito poetam quispiam uocare posset) in tota compositione perspicuitatis est artifex. Velut & in his; oportet ea qua sunt non statim dicere quòd fuerunt, sed sensim suspendendae sunt mentes auditorum, atq; cogendi sunt, ut simul dubij sint; hoc ipsū efficit Ctesias in nūtio de Cyro mortuo. Accedēs. n. nūtiūs non statim dicit quòd Cyrus mortuus est apud Parysatē: hoc. n. erat id, quod ex Scythis nūtiābatur: sed prius nuntiauit quòd uicit, haec uerò letata est, ac erat dubia. Postmodo pūctatnr

rex uerò quid agit. Hic fugit inquit : tum hæc
 suscipiens : Tissaphernes illi horum est cau-
 sa. Tum rursus interrogat; Cyrus ubi est nunc?
 respondet nuntius, ubi uiros bonos oportet ibi
 stationē habet: paulatim ac breuibus uix pro-
 cedens : Nam dictum ualde modeste ipsum ab-
 rumpit, manifeste q̄; nuntium declarauit signi-
 ficare inuitum calamitatem, matremq̄; in solia
 citudinem coniiciens & audientes. Fit uerò ijs
 etiam dicendis quæ res sequuntur perspicuitas.
 ut dixit quidam de rustico accedēte, quòd stre-
 pitus pedum illius accedentis auditus fuerat
 antea, non tanquam accedentis, sed tanquam ter-
 ræ calcitraret. Quod autem inquit Plato de
 Hippocrate, erubuiſti iam per noctem : iam
 enim demonstrauit aliquid per diem ipsum
 exiturum. Quòd enim maxime sit perspi-
 cum omnibus est manifestum. Facta est autem
 perspicuitas ex orationis studio, atque ex eo
 quòd recēſuerit Hipocratem ad eum noctu ac-
 ceſſiſſe. Malus sonus facit sæpius, ut hoc; pulsa-
 bat aut cerebrū. Et multa sursum deorsum: ipsa
 enim soni difficultate totam inæqualitatē imi-
 tatur : omnis autem imitatio habet quiddam
 perspicuum, atque facta nomina habent quan-
 dam perspicuitatem, propterea quòd ex imita-
 tione proferuntur, ut lambentes. Nam si bibe-
 tes dixisset, neque bibentes canes imitaretur,
 neque

neque ulla sanè efficeretur perspicuitas. Et; linguis propositum lambentes, magis etiam perspicuam efficit orationem. Verum de perspicuitate tot summam dicta sint. probabilitas in duobus existit, in manifesto, & assueto; quod enim obscurum est & insuetum, idem non probabile. sunt igitur dictiones neq; tumidæ neque exquisitæ in probilitate perquirendæ, compositioq; similiter quæretur affirmans, nihilq; habens in rhythmū. in his enim probabilitas, et in eo quod inquit Theophrastus, quod non omnia sunt diligenter longa oratione explicanda: sed quædam relinquenda sunt auditoribus intelligenda, quæ ipsi secum computent. Nam si quod à te relictum sit animo conceperit, non solum erit auditor, uerumetiam testis, atque eodem tempore beneuolentior. conscius enim sibi uidetur per te hanc cognoscendi facultatē sibi comparasse. Omnia uerò exprimere uelut fatuo; simillimum est atq; si socordem auditorem existimaueris.

Quo pacto epistolas scribere oporteat.

Cap. XXIII.

VERVM quoniam epistolarum dicendi genus tenuitatem requirit, de eo etiam dicamus. inquit Artemon igitur, qui epistolas Aristotelis

Stotelis descripsit, quòd in hoc eodem genere dialogus, & epistolæ sunt scribendæ. Esse autẽ inquit epistolam quasi alteram dialogi partẽ, atque dicit quidem, sed non omnia. Oportet autem præparasse quodammodo epistolam magis quàm dialogum; siquidem hic inconsultè agentem imitatur: hæc uerò scribitur & quasi largitur pro munere. Quis enim ita locutus cum amico sicuti Aristoteles cum Antipatro? Nam de sene fugitiuo scribens inquit; quòd si ad omnes accusationes hic obit, ita ut in patriam non deducat; manifestũ est quòd nullã illis comparatur inuidia, qui ad inferos descendere uoluerint. qui enim ita loquitur demonstrãti potius, quàm dicenti, comparari posset. Et solutiones tenues, cuiusmodi epistolis non conueniunt, est enim solutio obscura in scriptis: atq; imitatio non ita est scripti propria, quemadmodum certaminis. Vt in Euthydemo; quis erat ò Socrates ille, cum quo heri in Lyceo disseserebas? multa profectò turba circa uos circumstabat. Tum paulum procedens inquit; sed mihi peregrinus quidam esse uidetur: postea cũ quo disseserebas quis erat? nam omnis huiusmodi oratio ac imitatio conuenit histrioni magis, quam scribendis epistolis: habeat plurimum optimi moris ac urbanitatis epistola, sicut etiam dialogus. Nã quasi animi sui imaginẽ unusquisq; scribit

scribit epistolam; atq; licet uel ex alia oratione scribentis morem omnino cognoscere: ueruntamen nulla alia ex re ita ut ex epistola, Magnitudo ipsius epistolæ uelut etiam dictio contrahenda est. At quæ ualde sunt longæ, quæq; tumidiores sunt præterea secundum orationem, nequaquam per Veritatem appellandæ sunt epistolæ, sed commentaria, quæ salutem habeant inscriptam; ueluti plurimæ sunt Platonis ac Thucydidis: atq; solutæ sunt magis compositione: ridiculum sanè esset circumire, tantumquam non sit epistola, sed ius ipsum quod scribitur: sed non tamen ridiculum solum, uerum etiam nō amici. Scire autem est operæ precium quod non oratio solū, uerum etiam nō nullæ res sunt epistolis aptæ. Idcirco Aristoteles, qui maxime epistolæ dicendi genus consecutus esse uidetur, hoc ad te non scribo inquit; quoniam epistolis non conueniebat. Nam si quis compendium scribat argutiarum, uel rerum ad naturam spectantium, scribit quidem, non tamen scribit epistolam. Nā epistola exceptio quædam esse cupit cum humanitate breuis atq; rei simplicis expositio, quæq; simplicibus nominibus. Sunt enim illius pulchritudo comes exceptiones, frequentiaq; in ijs existētia prouerbia: nanque hoc unum sapiens in ipsis epistolis esse conuenit, quia prouerbum uulgare quidam est

Et commune:is uerò qui scribit sententias aut
adhortatur, uidetur non per epistolā loqui am-
plius, sed per artem. Utitur alicubi Aristote-
les demonstrationibus etiam in epistolarū mo-
rem, uelut cum uult demonstrare quòd simili-
modo magnæ paruæq; ciuitates beneficio sunt
afficiendæ: inquit dei. n. utrisque sunt æquales,
quare cum æquæ sint Gratiæ deæ, tibi apud u-
tranq; erunt paratæ. Nam illud quod demon-
stratur, ad epistolam attinet, atq; ipsa demon-
stratio. Vbi uerò uel ad reges scribimus, uel
ad ciuitates, sint huiusmodi epistolæ, sensim
elatae. Consideranda est etiam persona ad quā
scribimus, nam elata conuenit, nō tamen ut cō-
mentarius sit pro epistola. Cuiusmodi episto-
lae sunt Aristotelis ad Alexandrum, et Plato-
nis ad amicos Dionis. Verum ut uniuersè dicā,
miscatur epistola his duobus dicēdi generibus
secūdum orationem, suauis scilicet, ac tenui. At-
que de epistola tot dicta sint, et de tenui dicen-
di genere. Adiacet uerò tenui aberratū dicēdi
genus, quod Siccū appellatur, quod etiam fit in
tribus. In sententia quidem, ut dixit quidam de
Xerxe; quòd descendit Xerxes cū omnibus suis.
Rem enim paruā fecit ualde: pro eo quod est,
cum tota Asia dicere, cum suis omnibus dicens.
Fit siccum, secundum dictionem, ubi res magna
paruis nominibus profertur; ut inquit Gadi-

reus de bello nauali in Salamine, ac dixit quidam de Phalaride tyranno; quibuscūq; Phalaris Agrigentinus perturbauerat. Nam hoc tantū nauale bellū, tyrāniq; crudelitas, nō quibuscūq; nomine, neque perturbauerat, dicendum fuit, sed magnis nominibus subiectaq; materiae conueniētibus. Fit Siccum in compositione, quādo uel casa sunt frequentia, uelut se habet in aphorismis; uita breuis, ars uerò longa; tēpus uelox, experientia fallax: uel ubi res magna mēbro sint conciso, ac non ex pluribus; ut quidam Aristidem accusans quod non accesserit ad nauale bellum in Salamine gestum, sed sponte sua inquit accessit Ceres, simulq; pugnavit, Aristides uerò nequaquam: nam concisio, & in decora est, & minus opportuna. At concisionibus huiusmodi in alijs uti conuenit. Sæpius autem sensus, ipse frigidum est quiddam, & uelut id quod mala imitatio nominatur. Concisa autē compositio sensusq; securitatem abscondens, uelut dixit quidam de eo, qui cum mortua muliere concubuerit, quòd cum illa non concūbit. Sensus enim uel cæco manifestus patet inquā: nam contracta compositio rei securitatem abscondit quodāmodo, eamq; facit quæ nunc dicitur Sicca mala imitatio, ex duobus scilicet malis compositā: ex mala imitatione quidem ob rem; at ob compositionem ex sicco.

De grauitate. Cap. XXIIII.

VERVM reliquum esse uidetur, ut ex prædictis ea quæ ad grauitatē spectant, innotescant, quod & ipsa sit in tribus, in quibus genera dicendi, quæ sunt ante ipsam. Nam res quædam per se graues sunt ita, ut ipsas dicētes graues esse uideātur, uel si non grauitè dixerint: ueluti Theopompus tibicinas in Pireo, lenociniasq; buccinantes, & canentes, atq; tripudian-tes: nam cū hæc omnia nomina sint grauius esse uidetur, quāuis tenui oratione dixerit. Fieri posset hoc ipsum genus secundum compositionem, primum si cæsa haberet pro membris, nam longitudo soluit uehementiam: at quod in paruo, uidetur multò grauius: exemplum Laedæmoniorum ad Philippum; Dionysius in corintho. Quod si rem extēdissent: Dionysius ex imperio expulsus mendicus est in Corintho, cū literas doceat, fuisset narratio profectò pro contumelia. Verum in alijs etiam breui utebantur oratione Lacones: nam breue grauius est atq; imperantis: longior autem oratio supplicibus conuenit, ac petentibus. Quamobrē symbola etiam habent grauitatem cū breuioribus orationibus sint similia. Nam ex breui dicto plurima suspicari conuenit; ueluti ex symbolis,

sic etiam ex humo cicada nobis accinent, grauius est cum allegoricè sit dictum, quàm si dictum fuisset simpliciter: Vestrae arbores incidetur. Ambitus autem maximè sunt stringendi, atq; finis: nam circumductio grauis: solutio simplicior bonitatisq; signum. Velut omnis antiqua oratio: simplices enim sunt antiqui, quamobrem antiquitatis forma in grauitate deuitanda est, & moris, & rhythmi, atq; confugiendum est maximè ad eam, quæ nunc habetur, grauitatem. Membrorũ igitur huiusmodi terminationes; his assensus sum, quantum consequi poteram me patrociniò futurũ: ad eũ maximè rhythmum accedunt, quem exposui. Facit uiolentia etiam quandam grauitatem secundum compositionem, graue est multis in locis & minus sonorum, uelut inæquales uia: exemplum Demosthenis; uos licitum esse uobis dare. Contrapositione et assimilia fugienda sunt in ambitibus, nam tuum morem, non autem grauitatem conficiunt: atque frigus sæpius pro grauitate. Velut Theopompus contra Philippi amicos dicēs, omnem prorsus grauitatem oppositione dissoluit. Homicidae natura existentes inquit, lenones hominum erant, quod ad mores attinet. Nam superuacanea arte, uel potius mala arte detentus auditor, ab omni prorsus iracundia liberatur. Per multa uerò plene & grauitate

grauiter componere ab ipsis rebus quasi cogemur: ut hoc se habet Demosthenis; tanquā enim si ille captus fuisset, tu nihil scripsisses; ita cum tu nunc sis captiuus, nullus alius scribet: res enim ipsa, innatusq; illius ordo, manifestam habet compositionem; neq; quispiam sanē si conatus fuerit facile composuerit alio pacto: multis enim in rebus componimus uelut ij qui descendentes decurrunt, ab ipsis rebus detracti. Faciet grauitatē etiam quod grauissimum est in fine collocasse: nam in medio comprehensum obtunditur ac debilitatur, uelut illud Antisthenis; dolebit profectō uir ex sarmentis consurgens: si quis ipsum ita componat; profectō ex sarmentis consurgens homo dolebit: nam cum idem dicat, non idem etiam dicere existimabitur. Oppositio quam dixi in Theopompo neq; Demosthenis scriptis cōueniret: ubi inquit; uis, ego uolebam: literas docebas, ego discedebam: tertias partes histrionis agebas, ego spectabā: excidisti, ego exhibebam. Nam uidetur male usus arte ob redditiōē, uel iocasse potius quā grauiter tulisse: conuenit autem grauitati ambituum frequentia, cum tamen reliquis dicendi generibus minimē conueniat. Nam si diutius ponatur, poterit deinde cum dicto metro comparari, atq; id in metro graui uelut claudi sunt iambi: frequentes tamen sint cōcisiones ac breues;

ues; dico autem quædam duorum membrorum: quoniam si singulorum membrorum fuerint, pulchritudinem præbunt: ac non grauitatem etiam. Sic etiam breuitas utilis est dicendi generi, ut quod grauius est sæpius fileatur: sicut Demosthenes; sed ego profectò: sed nihil triste uolo dicere, hic me ex abundantiâ accusat, quasi ut conticuerit. Hic grauior est quouis dicente, atque per deos obscuritas est grauitas sæpius: est enim grauius quod suspicamur, at quod simplicius prolatum sit, contemnitur. Accidit etiã aliquãdo ut dissonum grauitatem efficiat, idq; præcipuè cum res subiecta ipsam poposcerit: ut illud Homericum;

Serpentem uarium Troës timuere uidētes. poterat enim uel magis concinnè dicēdo ipsum metrum seruare.

Pertimuere anguē uariū ut uidere ruentē. sed neque dicens grauis esse ita uidetur, neque ipse serpens: hoc igitur exemplum secuti, et alia similia coniectura perscrutabimur: uelut pro hoc omnis utiq; scripsit: pro eo quod est nō acceßit, acceßit nequaquam: in coniunctiones etiam aliquando desinentes, hunc uerò, uel hūc. Quãquã huiusmodi cessatio fugere dicitur. Verū sæpius utilis erit huiusmodi. ut, nō laudauit cum dignus esset, dedecore effecit uerò. Sicut Schænumq; Scolumq;. Verū in Homericis magnitudinem

ἀγτὶ τοῦ
παύτως,
ἀγ.
τοῦδε ἢ
τοῦτε.

gnitudinem effecit cessatio hæc in coniunctione-
 nes. Efficiet aliquando grauitatem quispiam, si
 ita dixerit; scripsit ob clementiamq; ob impie-
 tatemq; sacraq; sanctaq;. Verum Leuitas de-
 nique, ac aptum audiendo politici est pro- ΕΥΧΟΟΥ.
 prium, at non grauitatis etiam; quæ genera di-
 cendi maximè contraria inter se esse uidentur.
 Est tamè grauitas quedã quæ comparetur ex
 misto ludo: uelut in comædijs, atque omnis mo-
 dus Cynicus, uelut Cratetis: Vicarius est enim
 medio in nigro mari. Ac illud Diogenis in O-
 lympia; ubi armato currente, ipse accurrens
 præconiũ cecinit se ipsum uincere Olympica,
 atque omnes homines strenuitate. Nam & ri-
 detur simul dictum, & admirationem conse-
 quitur, atque mordet sensim dictum, & illud
 quod ab eo ad bonũ dicitur. Cũ luctaretur Dio-
 genes cum pulchro puero illiq; commota essent
 pudenda, ac puer pertimuisset & retro resi-
 luisset, ne timeas ò puer, non. n. sum hoc pacto
 similis: ridicula est sermonis facilitas, at gra-
 uis cælata emphasis. Verum ut summatim col-
 ligam omnẽ Cynici sermonis formam, uidetur
 simul & ridere & mordere. Utẽtur uerò ipso
 aliquando oratores, & iam usi sunt; ut Lysias
 dicens ad amantem uetulam, quod eius facilius
 erat dentes numerare quàm digitos. Nam ue-
 tulã & grauiusimè simul & maximè ridiculè
 demon-

demonstrauit. Homerus autem Vtinē ego ultimum comedam, uelut prius scriptum est. Quo autem pacto grauitas ex figuris oriatur patefaciamus: ex figuris sententiā ex uocata præteritione sic; Olynthus certē quidem Methonē ac Apoloniam, & duas ac triginta ciuitates in Thracia, prætereo. In his enim cuncta dixit, quæ uoluit, ueruntamen se ipsa præterire inquit, quasi alia grauiora habeat quæ dicere possit. Vocata etiam Reticiētia eidem consuetudini coniuncta grauiorem efficiet orationem. Posset assumi figura etiam sententiæ, quæ pro sopopeia dicitur, ad grauitatem. ut; existimate maiores uobis hæc obijcere, atque ista dicere uel Græciam, uel patriam, quæ mulieris formā sumpserit. Velut Plato in Epitaphio; o filij, quoniam bonorum estis patrum, non enim ex propria persona dicere conueniebat, sed ex persona parentum. Nam multò efficaciora & grauiora uidentur ob personas, atque magis actus sūt minus artificiose. Formæ igitur atq; figuræ sententiæ eo pacto possent assumi, quo fuit enucleatum: nam tot exempli gratia commemorata fuerunt. Figuræ uerò dictionis magis uarium oratorem efficiunt, grauioremq; reddunt orationem: tum ex geminatione; ut Thebæ uerò, Thebæ finitima ciuitas ex media Græcia sunt direptæ. nomen enim repetitum efficit

efficit grauitatem: tum ex uocata relatione: ut;
 ad te ipsum uocas, ad populi principatū uocas.
 Est autem dicta figura triplex; nam ideo for-
 tasse dicta est relatio, quia eandem dictionem,
 & sine coniunctione, refert in ipsum principium,
 est enim dictum sine coniunctionibus. Simili-
 ter etiam desinens ob cessationem sepius eandē
 ex tribus grauitatem aucupatur. Quòd si quis
 ita dixerit; ad te ipsum, et leges, et populi prin-
 cipatum uocas: unā cum figuris omnem etiam
 auferet grauitatem. Sed ante omnia sciendum
 est solutionem grauitatis præcipuam esse opi-
 ficem: uelut incedit per forum, maxillis tumi-
 dis, cōtractis cilijs, æque ac Pythocles incedēs;
 nam si hæc coniunctionibus essent annexa, ma-
 gis essent mansueta. Vocata Gradatio etiā pos-
 set assumi, uelut apud Demosthenem hoc; non
 dixi quidem talia, neq; uerò scripsisti; non scripsisti
 quidem, neq; uerò nuntiaui; nec nuntiaui qui-
 dem, neq; uerò Atheniensibus persuasi. Vide-
 tur. n; oratio ad maioribus maiora conscende-
 re. Quòd si quis hæc ipsa ita dixerit; dicens
 ego, & scribens nuntiauiq; & persuasi Athe-
 niensibus, solam dicet narrationem, at nullam
 grauitatem consequetur. Verum ut uniuersè
 dicam, dictionis figuræ, & actionem oratori
 præbunt, & contentionem, atq; solutum in
 primis, quod est grauitas. Atq; de utrisq; figu-

ris tot dicta sufficiant. Sumantur omnes dictio-
 nes quaecunque requiruntur in magnifico dicen-
 di genere, at nequaquam in eundem finē: licet
 enim transferenti grauiā efficere. ut; feroci exi-
 stenti Pythoni, plurimoq; in uos fluenti: tum
 in similitudinem dicenti, uelut hoc Demosthe-
 nis decretum periculum tunc inuadens ciuita-
 tem, tanquam nebulam præterire fecit. Compa-
 rationes autem ob longitudinem minime gra-
 uitati conueniunt: uelut hoc; ueluti canis gene-
 rosus imperitus incōsideratē in aprum fertur:
 nam in his, & pulchritudo, & studiū quoddam
 demonstratur. Grauitas uerò nult quiddā uehe-
 mens, & breue, atque quasi singētibus est pro-
 xima. Fit autem grauitas ex composito nomi-
 ne, ueluti multa grauitē componit consuetu-
 do, humipetam, uesānum, et siquid aliud est hu-
 iusmodi. Apud oratores etiam permulta talia
 quis inuenire posset. Enitendū est aut ut nomi-
 na decenter dicamus pro rerum ratione; uelut
 de illata ui, & agēte astutia, trāstulit uiolauit:
 At de uim inferente idq; apertē, et sine constde-
 ratione; percussit, exemit. De eo qui clam &
 per fraudem, ut perforauit, aut aufugit, uel si-
 quod sit simile nominibus nomen utile. Verum
 quouis modo sumptum nomen eligere non
 magnitudinem modo efficit, sed grauitatem
 etiam. Velut hoc, non dicere interius manum
 habentem

χαμραυ
 πη.

habentem oportet Aeschinae, sed legatione fungi interius manum habentem. Et hoc; sed hic Euboeam sibi usurpans. Non enim ut magnam efficeret orationē sit insurrectio, sed ut graue. Fit autem hoc ubi interea excitati aliquē accusamus, uelut Aeschinae accusatio; hoc est, Philippi. Graue est etiam cū audientes interrogaueris aliqua dicere, idq; non apertum. Sed Euboeam sibi usurpans, ac in Atticam regionem propugnaculum præparans, nunquid cum hæc ipsa faciat, iniuriam infert, pacemq; soluit, an non? nam uelut in dubitationem inducit audientem uelati deprensus, nihilq; quod respondeat habentem. Quod si quis ita permutans dixerit; iniuria affecit, pacemq; soluit; manifestè ἐπιμονή docere uidetur, & arguere. Vocata uerò Continuatio oratio est in multis de re, quæ maxime confert ad grauitatem, cuius exemplum habetur apud Demosthenem; grauis morbus uiræ Athenienses Græciam inuasit, non ita erat grauis. Habet non nullam grauitatis partem uocatum bonum omen, & is qui mala omina, bona fecerit; & qui piaculum, pium facinus: uelut is qui aureas Victorias effundere iubebat, ac nummos in bellum impendendos esse censebat. Non enim ita promptè dixisset; quare Victorias incidamus in bellum. Videbatur enim hoc pacto malum omen efficere, ac deas ipsas afficere cō-

tumelijs, sed decentius, ut uictorijs utamur in bellum. Non enim ita uideretur incidere uictorias ita dictum, sed socias cōmutare. Grauid sunt etiam ea Demadis, quāuis & proprium, & inusitatum habere modum uideantur. Est autem ipsorum grauitas, quæ conflatur ex expressiōibus, ac ex aliqua re allegorica assumpta, & tertio loco ex excessu, uelut hoc est; mortuus est Alexander, ò uiri Athenienses, olebat enim terra habitata mortuum; nam olebat pro sentichat: Allegoricum simul est, & excedens; At terram sentire, exprimit uim ipsius Alexandri. habet præterea quandam admirationem oratio ex tribus conflata, omnis enim admiratio grauis, quoniam horrenda uidetur. Est eiusdem formæ hoc etiā, quare ego nequam hoc decretum scripsi, sed bellum, quod scribit hasta Alexandri. Et hoc; uidetur Macedonica uis Alexandrum perdidisse Cyclope obcæcato. Tum rursus alibi; non maiorum tempore nauali prælio aptam, sed uetulam, sandalijs ligatis, ptisanamq; absorbentem. Vetulam enim allegoricè dictum est pro debili, & iam exili; simulq; ipsius debilitatem hyperbolicè demonstrauit. Ptisanam uerò forbentem, quoniam tunc in carniū distributionibus, ac in omni munificentia degens nummos militares absumeret. Tot igitur dicta sufficiant de Demadis

inadls gravitate. Quamquam incertum quid
habet, quodq; non facile imitemur: inest enim
quiddam forma poeticum. Quod si poeticum
allegoria, & excessus, & emphasis: poeticum
uerò comœdiæ adnexum.

De figuratis Cap. XXV.

Vocatum uerò figurarum in oratione hu-
iusce temporis oratores ridiculè sanè faciunt,
atq; unà cum emphasi minus generosa, &
quasi in memoriam reuocante. Est autem uera
orationis figura, quæ cum his duobus fuerit
prolata condecencia scilicet, & securitate: cum
condecencia quidẽ Plato Aristippũ et Cleom-
brotum cum carpere uellet, in Aegina obsoniis
uescentes dum Socrates uinctus Athenis tene-
retur per multos dies, ac neque nauigarent ob-
doctorem & socium: quamuis non distarent
Athenis ducentis stadijs. Hæc quidem omnia
non palam dixit, esset .n. oratio contumelia; at
deceter hoc modo: cũ qui præsentes essent So-
crati Phædon interrogasset, singulosq; comu-
merasset, rursus percunctatus est an Aristippus
ad esset & Cleobrotus, nequaquam inquit: erant
enim in Aegina: omnia enim prædicta decla-
rant hoc, erant in Aegina: atq; multò grauior
uidetur oratio re ipsa gravitatem declarante,

non a utem dicente. Aristippi igitur socios cū
 sine periculo fortasse carpere concederetur, in
 figura Plato contumelijs insectatur: sæpius au-
 tem uel in tyrannum, uel uolentem quempiam
 obiter differentem, cum inuehi uolemus, totam
 necessario sumemus figuram: ut Demetrius
 Phalereus ad Craterum Macedonem sublimem
 in aureo thoro sedentem, purpureaq; chlamyde
 indutum; superbeq; Græcorum legationes ex-
 cipientem, cum formasset contumeliose dixit,
 quod nos legatione fungentes hunc aliquando
 excepimus, & Craterum hunc. Nam in demon-
 stratiuo, hunc; ipsa omnis Crateri superbia in
 figura probrijs affecta declaratur: eiusdem ra-
 tionis id est Platonis ad Dionysium mentientē
 atque negantem: quoniam ego tibi Plato non
 assensus sum, tu tibi per deos, deprecus est enim
 mentitus fuisse: habetq; sermo figuram quandā
 magnum efficientem: sæpius uerò uel inutranq;
 partem uergunt, ita ut uideatur ac si quis uelit
 & uituperia, et mouētia uituperia esse. Exem-
 plum extat apud Aeschinem de Telaugē: tota
 enim de Telaugē expositio affert dubitationē,
 siue admiratio siue subsannatio sit, figura hu-
 iusmodi dubia, atque cū nō sit ironia, præse ta-
 men fert quandam ironiæ speciem. Posset ali-
 quis profectò & alio pacto figurare, ut hoc
 pacto; quando potentes uiri ac fœmina in sua
 uiter

καὶ φόνος
 καὶ κίνο-
 φόνους.
 δ' υἱάσσε
 καὶ δ' υἱά
 σίδες

uiter suos audiunt errores, cum illos admone-
re uoluerimus ne errent, non ex recto dicemus:
quod si socios aliquos reprehendamus qui si-
milia fecerint: ut ad Dionysium tyrannum con-
tra Phalaridem tyrannum dicemus, contraq;
Phalaridis seueritatē: uel laudabimus aliquos
qui contraria Dionysio fecerint, ut Gelonem
siue Hieronē; quoniam patribus Siciliae similes
fuerunt, atque magistris: admonetur enim au-
diens simul & non afficitur contumelijs, Gelonemq;
imitari studet cum is laudetur, idemq;
laudis fit cupidus. Permulta sunt huiusmodi
apud tyrannos uelut Philippus alterum habēs
oculum irascebatur si quis Cyclopem ipsum no-
minasset, uel omnino oculum. Hermias uerò is
qui Atranis imperauit quamuis perbenignus
esset ac facilis in alijs rebus, ut aiunt, non faci-
le tolerabat si quis cum gladiolum nominasset,
uel sectionem aut excisionem, quia erat cun-
chus: hac idcirco dixi quia declarare uolui
consuetudinem plurimum posse, atque maximē
certa ratione indigentem, quae figura nomi-
natur. Nam & magni potentesq; populi hac
orationum figura saepius indigent, uelut tyran-
ni: uelut populus Atheniensis cum imperitet
Graeciae, adultoresq; nutriat, & Cleones ac
Cleophontes: nam adulari cum sit turpe, est
increpare periculosum: optimum uerò medium
quod

quod est figuratum: ipsum enim peccantem aliquando laudabimus, non ob ea quidem quæ perperam egit, sed quæ scite: uelut iratum, quod heri laudabatur facilis uisus in potentis peccata, quodq; ciuium mente est imitator. Nam singuli seipsos suauiter imitantur, laudemq; laudibus adnectere delectantur, siue magis unam eamq; plenam laudem facere. Sed uniuersæ uelut ipsam ceram alius in canem effluxerit, alius in bouem, alius equum fecerit; sic res hæc eadem: alius demonstrans alia uia inquit, alia accusans. Quod homines pecuniam filiis relinquunt, uirtutem uerò non relinquunt, quæ simul relictis prudenter utatur. Hæc orationis forma Aristippeia dicitur. Alter uerò hæc ipsam per suppositionem proferet, cuiusmodi complura sunt Xenophontis: uelut quod non pecunia solum filiis est relinquenda, sed scientia etiam qua utantur. Hæc uerò quæ forma propriè appellatur Socratica, quam in primis imitati uidentur Aeschines & Plato, sic igitur aliquis concinnè ad interrogationem rem prædictam deduxerit; ut, o puer quantam pecuniæ tibi pater reliquit? nunquid multam ac innumerabilem? multam o Socrates. Nunquid scientiam etiam reliquit qua illa utereris? nam in dubitationem clam puerum coniecit, siq; demonstrauit quod est insipiens, hortatusq;

eusq; est cum, ut intraretur: hec omnia urbana
ne, & concinne, non autem dictum est hoc à scy
this. Feliciter agebant tunc orationes huiusmo-
di primum inuentæ, siue in admirationem po-
tius induxerunt cum ob reprehensionem, tum ob
perspicuitatem, atq; cum maiestate quadã con-
iunctam admonitione. Atq; de formatione ora-
tionis, deq; figuratis tot dicta sufficiant.

De leuitate. Cap. XXVI.

LEVITAS autem circa compositio-
nem versatur, quam hi præcipue obseruarunt,
qui a soeratem secuti sunt, uocalium collisionem
deuitantes: quæ graui orationi minime sunt ido-
nea: multa enim ex collisione illis grauiora acci-
derent: ut Phocensi bello conflato non me auto-
re, non enim unquam reipub. gubernaculis ego
incubui. quòd si quis permutas, atq; coniungens
ita dixerit, bello non per me conflato Phocensi,
nò enim ego reipub. gubernaculis incubui: mul-
tum auferet grauitatis, quoniam & sonorum
illud collisionis multis in locis grauitatem for-
tasse operatur: nam uelut sponte sua natum, ac
sine studio emergens, aliquam afferet grauita-
tem: idq; præsertim cum iratos ipsos, et iniuria
affectos demonstramus. Diligentiã uerò quæ cir-
ca leuitatem, concinnitatemq; uersatur, non est

irati, sed potius iocantis ac demonstratis quasi
 siq; solutum figura grauitatem efficit, sicut
 ti prædictum est: sic omnino efficiet dissoluta
 cõpositio. Signum est Hipponactis; nam cū con-
 tumelias uellet in amicos conijcere, metrum in-
 fregit, claudūq; fecit pro recto, atq; sine rhyth-
 mo: hoc utiq; & contumelijs conuenit, & graui-
 tati. Nam quod rhythmum habet, facileq; est
 audienti, magis collaudationibus conuenit. Tot
 etiam de collissione, Adiacet genus quoddam di-
 cendi graui, & ipsum delirum, ut par est. Vo-
 catur uerò iniucūdum, atq; fit in rebus, ubi quis
 turpia apertè dixerit, & non facilia dictu. Ve-
 lut si aliquis Medusam tanquā adulteram, cu-
 sauerit, capsacemq; & obolos, & stoream, per-
 multamq; inconcinnitatē huiusmodi introduce-
 rit in iudicium. Compositio autem iniucunda ui-
 detur; quod si distracta sit similis, uelut qui ita
 dixit; quod si hoc et hoc occidere potuissē at-
 que ubi membra nullam habuerint uicissim cõ-
 positionem, sed similia sint disruptis. Ambitus
 præterea continui, longi, & suffocantes dicen-
 tem, non satietatem solum inducunt, uerum etiā
 sunt in suaues. Frequenter & nominatio res ip-
 sas iucundas existentes facit iniucundas, uideri:
 uelut Clitarchus cum diceret de fuco animali
 api per simi: habitat montana, uolatq; ad con-
 cauas quercus: quasi de boue syluestri differe-
 ret

ret, aut de apro erymantheo, ac non de apicula
quadam, ita ut iniucunda, & frigida simul fiat
oratio: nam sibi inuicem connexa sunt quodam
modo hæc ambo.

FINIS DEMETRII.

CVM NONNVLLE PAVLO

negligentius, ut ingenuè fatear, & quasi so-
pitus interpretarer, me amicissimè, &

admonuit, & excitauit, et increpauit

propè uir peritissimus Marcus

Antonius Muretus, quare hæc

iam partim impressa reco-

gnoui, errataq; partim

ob impressorum ne-

gligentiam,

partim etiam ob meam, ita correxi.

PAGINA prima uersu. xiiij. minus ar-

tificiose suffocaret. pag. ij. uer. y. at totam totius

sententiæ partem. uer. xxi. at sententiæ quædam

completur. uer. xxi. iam uacat. uer. xxv. senten-

tiam siue totam. pa. iij. uer. xxi. Scytale. pa. iij.

uer. xy. tum Preces apud Homerum, & claudæ

sunt, & squalidæ. uer. xxij. habitatq; pag. vi.

L 2 uer.

uer. xliij. ac rursus componatur. pag. viij. uer. xli.
 distictis prope lapidibus tantum, ac non etiam
 simul iacētibus, uer. xliij. ut et cōcinna. pa. ylii.
 uer. xliij. magnificus, uenustusq; ambitus, atque
 in uenustum. uer. xxviij. uenustatemq; et histo-
 ria modum ex simplicitate. pag. ix. uer. ij. autē.
 uer. x. his. uer. xvi. tanquam nunc primum agen-
 tes. uer. xxii. atq; mistum ambobus similē. uer.
 xxliij. inquam siue rebus. pag. x. uer. vij. laborio-
 si ad spectabile. periculatorum plenae, ad dignam
 certamine, atq; unius ad unum, similis ad simi-
 le contraria est redditio. uer. xliij. quod tunc
 apud illos erat certamen, apud illos tunc ergo.
 nam αὐτῶν et ἐγών. uer. xxviij. certamine. a-
 gi. xi. uer. liij. neq; pro ijs, quae audiuerunt. pag.
 xliij. uer. vi. qualem uacat. sic infra. uer. xliij. ac
 uacat. uer. xliij. ob tempestatem magnam. pag.
 xliij. uer. ij. autem est sententia; quae ex pugna.
 uer. y. etiā uacat. pag. xliij. uer. xxi; politū. gra-
 ue. uer. xxliij. sed politum. pag. xy. uer. ij. politū
 tenui. sic uer. liij. uer. x. multumq; pag. xvi. uer.
 liij. quid igitur. uer. vij. hoc erit. uer. xxviij. cau-
 sa uacat. pag. xliij. uer. y. rationem uerō. uer. vi.
 uenusta est. uer. xi. uulgariq; sermoni. uer. xxi.
 uenustatem, pag. xliij. uer. xvi; ferunt. pa. xix.
 uer. y. et hoc uociferant. uer. xxviij. pretulisset.
 pag. xx. uer. ij.

Similis non esse uidetur

Humane

Humanae formae, & nemorosiss montibus Idē.
uer. xij. longinquis alta & aspera, & quae sanē.
uer. xxi. sepius tamen. uer. xxvij. & quippe &
iam te, et unā. uer. xxvij. ipse quippe magnus
+ pag. xxi. uer. iij. atq; distracta à prioribus, se-
quentia magnum quidpiam efficit. uer. ix. affe-
ctibus. uer. xij. patrios. uer. xxi. lacerationibus.
uer. xxi. & quale uer. xxi. ad conquerentes
uertit. uer. xx. implent. coniunctione. uer. xxij.
hac terra. pag. xxii. uer. yij. deest, ut magnifico,
de quo hac explicāda proponūtur. Primū. et. c.
uer. yij. ut Hom. pag. xxij. uer. xiiij. & uer.
xxij. nam cum bis dicatur magnitudo, tumorē
q. am orationi praeuit. pag. xxij. uer. xxi.
n. ita. pag. xxi. uer. ix. nam ibi tibia, ibi citha-
ra. pag. xxi. uer. xxij. restē pugnantium. uer.
xxi. ex equitibus. pag. xxi. uer. xxi. erit cō-
paratio. pag. xxi. uer. xi. animatorum actio-
nibus: uer. xxi: hastis: pag. xxix: uer. xiiij: arcu
tibia, idēst: τοξοφίμυρα. pa. xxx: uer. yij: ap-
ponatur: pa. xxxi: uer. xxi. efficiūt: uer. xxvij:
uel uel nōn: pag. xxxii: uer. x: atq; ipsi poetæ:
uer. xix: orationis allegoria: uer. xxii: cōtemnat:
pag. xxxiii: uer. ix: currus: uer. xiiij: acies ueniē-
tium, ac percutientium: uer. xx: quam clypeus:
pag. xxxiiii: uer. xxvij: quod autem poeti-
cum in orationibus magnificum sit: pa. xxxv:
uer. iij: in mensa, uacat. uer. xviij: dictionem. Frī-

gida:uer. 26.hypermetrū pa.xxxvii.uer.ix:in
cōtētionibus trāslationibus, oībusq; pa.xxxix:
uer.iii:excernebāt, boāesq; ferebant: in sequēti
cap.pro uenusto politū legatur:uer.xxiii.cuius
uel dentes quān digitos:pag.xl:uer.i.

Colludunt unā Nymphæ, Latonaq; lata est.

Sunt omnes pulchræ, & illud;

Rhea sed clarissima præstat.

uer.iii:uenustæ sunt: uer.iiii: & ad emphasim:

uer.xiii:uenustatem:uer.xviii.uenustis:pa.xli:

uer.i:dicantur:pag.uer.xxii.hic uerò ut demon

strauit, & à similibus licet: pag.xlii: uer. iiii:

reipsa nihil particeps est græciæ, quoniam ip

sum:uer.xiii: quòd intensus arcus: uer.xviii:

politum:pag.xliii:uer.yiii:ac uenustatem: uer.

ix:uel uenustissimis.

uer.xx:uenustum:pag.xliiii:uer.y: & yiii: col

latio:sic ubiq; in eo capite:uer.xix: uinumq; fa

brum: pag.xly: uer.yi: loquax uer.xxi: illata

est:pag.xlyi:uer.xvii:biberes inquit uel patrē:

uer.iii:torynam: pag.xlyii:uer.xxi: Medoces

rex:pag.xlyiii:uer.xix: agrestem spōsum:uer.

xxii: siue magis illius poemata differant: uer.

xxviii:atq; ex sequentibus hic risum, ille laudē

consequitur: pag.xlix: uer.x. Telauges culeus:

uer.xliii:est emphasis:pag.l. uer.xi: nam & l:

& n:collisio sonorū quid habent ex literis: uer.

xii: nam:n:pag.li:uer.iiii:asperitatē: uer.xlii:

22-2

quòd

quod politum: uer. xi. i: politum: uer. xvi. poli-
ta: pa. lii: uer. yi: ead. m: uer. xii: est politus: uer.
xviii: si quid: uer. xx: & polite, & in, uer. xxii:
molliuit uelut ferri: m: pag. liii: uer. i: si fistula:
uer. x. de polito eo, quod, uer. xii: de polito: uer.
xii: de polito: uer. xiiii: polito: pag. liii: uer.
xxviii: est pugnax: pag. ly: uer. iiii: in tuto: uer.
xyi: histrionicis: uer. xvi: histrionica: uer. xix:
imagines: pag. lyi: uer. i: pro repetitione resum-
ptione ubiq; legas: uer. ii: per longum interual-
lum: uer. xvi: atq; idcirco obscura: uer. xvi. &
quod uer. xxii: fuerunt ob hoc ipsum.

Index Cap.

- De Ambitibus. Cap. 2. pag. 9.
De Assimilibus membris. Cap. 3. p. 10. Cap.
De Compositio orationis. c. 7. p. 19.
De Collisione. c. 9. p. 24.
De Compositis nominibus. c. 11. p. 30.
De Comparatione, et Collatione. c. 10. p. 27.
De Figura orationis c. 6. p. 21.
De Frigido quod Magnifico opponitur. c. 12. p. 35.
De Figuratis. c. 25. p. 77.
De Grauitate. c. 24. p. 67.

De Generibus dicendi. cap. 5. pag. 14.
De Gratia orationis. c. 14. p. 40.
De Gratijs quæ rebus insunt. c. 15. p. 46.
De Inepte imitantibus. c. 18. p. 53.
De Imitantibus istorioribus. c. 20. p. 55.
De Leuitate. c. 26. p. 81.
De Membris. c. 1. p. 1.
De Magnifico genere. c. 6. p. 15.
De Pulchritudine nominis, et in quibus. c. 16. p. 50.
De Perspicuitate. c. 22. p. 59.

Quo pacto Epistolas si

23. p. 2.

Quid Nomen Lene asperumue sit, Quid bene

Compactum, quid tumidum. c. 17. p. 50.

De Repetitione. c. 21. p. 55.

De Similiter desinentibus, ac differentia ambitus,
et Enthymematibus. c. 4. p. 11.

De Tenui. c. 19. p. 54.

De Translatione. c. 10. p. 27.

De Venusto. c. 13. p. 39.

754

30 Jan 07